

新分類尺牘

大全

各界適用

丁巳夏月

君實題

各界適用

新學類字彙大全

廣益書局出版

內務部據上海滙豐書局經理人魏炳崇呈送新  
分類大綱大令種著作物請予註冊查與著  
作權法第<sup>七</sup>十條規定相符應即填  
具執照給廣益書局 收執

中華民國六年九月廿七日給照

## 新分類尺牘大全例言

一各界名稱雖別。而交際上則必互相往來。故尺牘作用。斷無偏於一方面之理由。本編彙輯各界於一冊。包括靡遺。俾閱者手一此書。可以隨意檢做。隨事應酬。得有溝通各界之利便。

一本編各類取材。均以共和恢復後之事實爲標準。凡陳陳相因。無關近今人事之效用者。概不釐入。

一各界篇目。多注重各界最近必要之問題。且事從其類。務求身分各當。口吻各肖。絕不作模糊影響之談。

一每篇命意遣詞。宜雅宜俗。力矯一般粗率陋俚之惡習。而

文字上仍必參以國民常識。合於社會心理。使人易通曉。能於研求書札時。由文言而悟及文理。由文理而悟及文法。

一新出尺牘。於政界典禮問題。及社會慶賀儀節。非失之拉雜。卽失之鄙劣。國粹湮淪。良可痛歎。本編對於此點。特別注意。凡政界及社會之交際。必須藻飾者。概用駢文。以備鄭重揄揚之體裁。

一稱謂格式。除親長仍依習慣外。其餘概從新制。以副人民一律平等之公例。

一本編政界列入軍警。緣軍政醫政。統係政體。故特從僉載。

之例。

一學界商界農工界女界之子目。爲避繁複計。故義取綜括。閱者按類檢查。當知無不應有而盡有。

一普通社會界體例較異。因普通與專門之作用不同。而情事又須便於通用也。惟慶賀門之祝壽篇。則政學商於此并參。以便從類查閱。

一家庭一類。各界已經詳列者。至普通界則不復提出。因人事情形。業盡於前也。其餘事體。雖或間有相似。而情由則不相同。閱者正可於此互觀參採。觸類以旁通之。

編者曲阿賀羣上誌

新分類尺牘大全總目

政界

一至二百二十九

學界

一至九十五

商界

一至一百三十六

農工界

一至四十三

女界

一至八十七

普通社會界

一至一百八十三

●外編

尺牘擷錦

一至六十七

尺牘典故韻註

一至三十六

尺牘稱謂

一至十

尺牘套語

一至十四



# 新分類尺牘大全目錄

## ●政界

### ◎外交 附 公使

賀外交部總次長就職

賀公使就職

請止帝制派爲贈勳特使

華僑請求保護

介紹外交人才

探問與某國交涉情形

請招待保護某國游歷團

函告某領事將有劃定國籍之

正式公文

某公使致中央政府略陳政見

### ◎內務

賀內務部總次長就職

詢擬長內部之某君可否通過

兩院

覆陳試驗縣知事之辦法

答言行政官長應盡職務

請議決地方自治草案

詢修正之喪禮議案

與友言慎選縣知事之政見

答清鄉事宜與保衛團之問題

函請寬籌平糶款項

◎財政

賀財政部

總次

長就職

陳告省款困難預算應照原案

請查破壞中國銀行之造謠者

詢鹽稅條例之疑點

復告兌換券法及取締紙幣之

決定

請求勿以烟酒稅抵借美款

請止現銀出口以維金融

函述就職財廳後之困難現狀

◎陸軍 附海軍

賀陸軍部

總次

長就職

賀海軍部

總次

長就職

致友人告卸軍職

奉詢製造局是否裁減工匠

覆告青木顧問不傷軍事上之

主權

與友人言裁減軍隊之困難

致某軍界勉其尊重軍人之資

格

覆述武術研究社之意見

### ◎教育

賀教育部

總

次長就職

陳請研求教育實際上之訓練

函告教育行政會某君之意見

覆論實業教育及生活問題

陳述聯合運動會之主旨

與友人言考查各僑民教育之

手續

覆言重農國教育之要素

函告教育原狀已經恢復

函請贊成南京設立大學

### ◎司法

賀司法部

總

次長就職

函詢限制各廳請求解釋法律

之理由

奉告廢止縣知事兼理司法之

問題

覆言恢復四級三審之主張

函告保存審判廳舊址

答司法會議之預備計畫

請將司法經費確定爲國家歲

出之正款

函商廢止法官迴避本籍之主

張

◎農商

賀農商部次長就職

通訊農事試驗場提倡大宗特

產

函請各公所調查苛稅釐金

函復漁牧進出口冊報之辦法

函陳救濟絲綢機械業之根本

計畫

答官社會與政府最宜注意之

要點

函述推銷國貨之佳音并詢註

冊事

與友人言振興實業勿徒恃官

場文告

### ◎交通

賀交通部總次長就職

函請提倡郵便儲金

函請補助國內航業

函告中國收回郵政權之朕兆

函復交通特別預算之緩編理

由

函復因歐戰停辦鐵路之理由

函告鐵路搭收不兌現紙幣之

難點

答復鐵路運米免費之通融辦

法

### ◎督軍

賀督軍履任

函催督軍履任并先代表歡迎

答謝某督軍之函召

致某督軍述已對於省長問題

之流言

覆某督軍請其負軍事上之完

全責任

函辭督署秘書之職

覆某督軍勿公決議員之資格

及俸給

請督軍轉陳中央勿准總理辭

職

◎省長

賀省長履任

陳請解決省制加入憲法之問

題

促請省長履新

請省長電達政府催復自治

函請省長主張劃分官產

函覆省長痛言忙漕限外加征

之弊害

請求省長力爭礦產

致省長請將水利工程經費列

入預算

致省長略述履勘運河之情勢

### ◎縣知事

賀縣知事履新

答言模範縣之辦法

請求破除知事迴避之現例

函請縣知事整頓學校

致省長請求免職

致縣署請查行吏索費事實

函陳革除摺墊之前提

函請詳報實業行政經費

### ◎軍警界

賀軍界授職

賀警界授職

陳告收拾軍隊後即行北上

請派軍隊彈壓地方

函報出防情形

函請籌撥餉款

函陳剿匪情形

函復願解軍權以免謠惑

函訴軍人干政之嫌

函述警察廳三週紀念會之成

績

函復不能寬貸迎神賽會之犯

禁者

函告巡警有整理交通之職權

覆言警察區所應各負責任

函請撥派警士保護商民

◎通用啓事

賀大總統就職

賀副總統就職

賀國務總理就職

賀各部總長通過兩院

賀鎮守使履新

賀道尹履新

賀縣知事到任

賀授勳位

賀授大綬寶光章

賀得嘉禾章



賀得文虎章

賀得獎敍

賀得薦任

賀得升遷

賀剿匪得捷

辭勳位

辭顧問

辭職務

通候京官

通候外官

通候鄰省

通候鄰縣

通候同官

通候士紳

謝給勳章請代轉呈

謝奉簡任請代轉呈

謝上官委任

謝上官照拂

謝薦職務

謝代策畫

謝代圖融

託函謀位置

託間接吹噓

託薦舉人材

託推情關照

請任秘書

請任統計

答允設法

答允介紹

詢上峯意旨

詢職務情形

請罷國老院之官制

請裁顧問諮議以節國用

請裁道尹之主張

請停稽勳局以省糜費

請延聘國史館長

請回復自治

請檢舉選舉舞弊

函述三部派遣觀戰員之作用

函駁縣知事不迴避本籍之問

題

答復舉行登簿稅之意見

覆告官吏年終考成之現例

與政團言中央政府之權限

函陳剿撫巴匪之計劃

與政友言司法獨立之精神

與政友言政治家之度量

覆論蘇松坡可為政界之模範

人

某省長致書勸告國會議員

函告措施政治之方針

答言官中難廢之理由

●學界

◎學人家庭類 親黨附

稟祖父陳告已進學校

稟父母報告學校情形

稟父母言已在校偶病即愈

稟父母以學業未成請緩論婚

稟父報告轉入他校

稟伯叔商令弟來同學

弟啓兄商令子姪入學

兄致弟言因校務不能侍親之

苦衷

祖諭孫注重國文

父諭子宜修專科

伯諭姪毋染學生之不良習氣

叔寄姪勉其手工之進步

夫致婦囑其代任家庭教育

婦致夫問學校職務并告家庭

安狀

稟外祖告遠學將可畢業

稟舅父言願破產以達求學之

目的

稟姑父言教育家宜破除迷信

稟姨父擬於畢業後入陸軍學

校肄業

函請表伯  
叔寫寄學校介紹書

婿稟翁告夫婦在外求學情形

致表兄擬於放假後開科學補

習會

致表弟言在校不可干預外事

致襟兄商助內姪學費

### ◎學務概要類

函詢專授簿記之適用教本

函述學校制服之必要

函復擬裁視學員以節省教育

經費

函告學生實習農業之時間

函告報領學校習練之真鎗

函商圖書館搜集本地藝文之

辦法

函述不良之函授學校當取締

覆言國家不實用留學生之非

計

函告推廣初等教育令繼續有

效

答論教部徵集小學之成績

函請提倡職業教育

與友言教育家宜有責任心

函復取締私塾之辦法

函述課餘游藝爲教育上之急

務

答言軍國民教育之主旨

與友論幼稚園之利益

與友言北京大學學者染有官

吏之思想

函告出洋遊學情形

與友言求學宜定宗旨

函詢各校聯合運動會之辦法

函詢足球比賽并旅行情形

◎學界交際類

候游學新別

候游學新歸

請友人歸里辦學

請任中文教授

請任西文教授

請任算學教授

託薦教授職務

薦學校會計

介紹教員

介紹友人入教育會

介紹友人參觀學校

介紹學生來校并作保證人

託同學爲弟姪介紹入校

勸守校規

勸友力學

託同學檢寄存物

託同學續請病假

代友報告來校

請病假

約同赴校

約校假伴同歸里

約赴歡迎會

約往他處參觀學校并調查一

切

約聯合體操

訂賽跑

訂野外旅行

乞改旅行日記

乞楷書

乞畫

索觀遊記

借書籍

借字帖

借輿圖

借望遠鏡

◎ 商界

◎ 商人家庭類 親黨附

孫稟祖報告營業情形

稟父母報告學業情形

子稟父告就任商店職務

子稟母告進店安好

稟伯叔陳告商業布置

祖諭孫謹慎營業

父諭子學習商業之道

母諭子學業應當戒勉之事

伯叔與姪問營業近狀

弟與兄告出洋商販之近况

兄與弟言商店司賬之責任

夫與婦告營業之進步



婦與夫索寄家用并託薦內姪

學業

稟外祖告在舅父號中派司之

職務

稟舅父邀請表弟來助營業

稟姑父商請店中添本

稟姨父商請合力盤店

請表伯叔轉匯家用并詢市况

致表兄答言店事已有轉機

致表弟勸其謹守商業範圍

增稟翁告營業發達并招內兄

弟來店

與襟兄言存款生息

◎商務概要類

與友言商界簿記之通例

與友言商律與商業之關係

致友言商戰失敗之原因

致友詢營業稅登錄稅實行後

之利害

與友論津滬爲南北之重要商

埠

函託監察投機事業之舉動

致友述金業取締空盤買賣之

辦法

函答取引所與各業茶會之比

例

與友言期票之作用

與友言呈請專利之出品

與友言盤店之關節

與友言商店資本之名義

致友言機器製造貨物之稅法

函述商標註冊之利益

與友言商店租押之利弊

函述輪船及火車運貨之概略

函告中外利息之比例

與友言電匯及郵匯之便利

與友言印花稅爲近世通行之

稅法

函述調查土貨之方法

與友言華商冒掛洋旗之事

與友言金融上改革之問題

函請力爭銷燬制錢之交換借

款

與友言新輔幣之十進式

◎貨款往來類

致友託其辦貨

致友託代辦貨

函託代售貨物

致友招購客貨

致友邀請定貨

函告貨已轉售

函告貨未售罄

致友催寄貨物

致友催出定貨

致友退換劣貨

函告貨物須配正號

與友言須銀到配貨

函述進貨之方法

致友探問市價

與友說明物價漲落無定之原

因

致友請代查盤存貨

與友言貨物廣告之作用

函託代收貨款

致友請其劃收貨款

致友催付貨款

與友商酌展期匯付貨款

與友商以提單抵還欠款

致友貸欸以資周轉

答友允貸資本

函答無力貸以資本

致友索償舊時欠款

致友寄還欠款

函告店事拮据商請止利還本

函請覆核賬單

致友預告收賬

函告銀欸不敷暫為記賬

函詢某號可否往來

致友託其立戶往來

◎職業交際類

函告經理交替

函告派友接辦店事

函託轉薦夥友

函告店中虧本請辭職任

致友託代告退

致友言別就告辭

覆言不允其辭退

函託規戒同事

致友請其經理店務

函託代延賬友

致友託薦職務

致友推薦舊友

函託轉薦夥友

函託代懇舊東錄用

託薦學徒

函答允為推薦

函告事成即須到店

函告薦成須試辦再定

函答推薦之事暫難設法

答友言舊東人滿須待另圖

覆言推薦之夥友未能合格

介紹友人入商業補習所

介紹友人調查商業

介紹友人來店并作保證

介紹學生來店并作保證

介紹銷售外洋之國貨

通候友人并詢市况

致友請託招股

致友慰其虧拆

致友謝其代理職務

邀友商酌盤受店事

邀友處理拆股

邀友調停例賬

邀友歡迎提倡國貨之鉅商

約赴公司股東會

約友分配合夥

致友催速回店

## ●農工界

### ◎農業概要

家書述告農業學校之詳情

覆言壽農國變爲新農國之希

望

請代徵求蟲菌以爲禾穀除害

之研究

函告慎重水利爲農田之必要

函述廣開牧場之意見

與友言破天荒之改良畜牧

函述棉業之成績并寄棉種

與友言養蠶模範場之計畫

函商整頓蠶桑之要略

函述花朝日植樹典禮之盛況

函詢造林之植品

覆言墾殖滿蒙之利益

致友論殖業改進之方法

函詢農部振興漁業之確情

與友言改良製皖并寄洋皖種

子

函索各色茶種

### ◎工業概要

家報言職工爲社會上生利之

人

函陳工黨之主旨

與友言工業爲民生之要素

與友言機械工藝與化學工藝

之意義

函告工校自設工廠以實習職

業

函述對外對內亟須促進工業

之二大理由

函答舉辦各種小工業不慮技

術資本之缺乏

函言工戰時代當多立工業專

門學校

函商限制原料輸出以供工業

之需用

與友言聽任歐戰各國招募華

工之失策

覆言興工不能吸引外資之理

由

與友商酌工業調查會之辦法



函請任用工業專科之留學生

函述工場自製機器較優於舶

來品

函商保護工場之手續

函答某某工場之出品

與友籌辦人工造紙之企業

## ●女界

### ◎女子家庭類 親黨附

稟祖<sub>母</sub>父報告到校情形

稟父<sub>母</sub>報告在校安好

稟父陳述家中情形

稟母因身病未能稟復之故

稟伯<sub>母</sub>父請令妹入學校

稟叔<sub>母</sub>父賀得佳婦

致兄託買習畫帖

致弟責其久無家書

致姊詢問安好

寄妹論書法

致嫂勸勿重男輕女

稟翁<sub>姑</sub>報告到寓後情形

諭媳囑其注意家事

諭子勉其學業

諭女毋好妝飾

致夫催寄家用

致孀因家事催其速歸

致孀告分婉平安

致夫姊言齋佛之無益

致夫妹言姑病須醫勿從迷信

稟外祖父母述體操之有益

稟舅父母述未能遂行之歡意

稟姑丈母請暫爲代措學費

稟姨丈母述與姨表妹安抵校中

託表伯代請西醫

致表妹勸閱女子雜誌

致表姊商入他校

致女壻述女生產平安

致親母謝其問疾

致夫表嫂勸種西法牛痘

致夫表姊言觀書之有益

致夫表妹勸其注意衛生

致甥女託其照顧女兒肄業

致夫甥婦言須早防疫氣

### ◎女學職業類

與表妹論初學作文

函告某女校注重家政常識之

主旨

函寄家事實習室之說明書

與妹言中國女學之興較先於

歐美

與姑言人母爲家庭教育之主

任

覆言女子當先研求實用之學

術

函詢專科宜學何種

覆言女子手工講習所之成績

函述提倡內地女子工藝之情

狀

函言刺繡爲中國特種之美術

品

致表妹允教結線

勸嫂習裁縫以備家庭之作用  
函言女學工藝以適用之生活

爲主

函告工廠操作之情形

函詢女子應學之職業

函商開設女子國貨店

函告將有女銀行員出現

函述烹飪學爲女子應用之職

務

◎師友交際類

上校長因父母病請假

上校長介紹學生入校

稟告畢業後已膺聘教習

探聞同學消息

函問女演說團出發日期

致世姊問行期

奉世伯母慶賀壽辰

賀學友畢業

慰同學久病

規同學勿染時習

覆言當備厚索贈之弊習

託代聘幼穉園之保姆

介紹女教師

請代介紹閨友

函薦某女學教員

邀觀女飛行家演放飛機

邀學友觀花

函請改赴美術展覽會

函辭友約并言女子觀影戲之

不便

約友參觀職業女校

約友游園

約友晤談

約赴音樂會

暑假約同歸里

贈友書籍

代友求畫

致友借書

●普通社會界

◎慶賀類

賀人祖父壽

賀人祖母壽

賀人祖父母雙壽

賀人父壽

賀人母壽

賀人父母雙壽

賀友人壽

賀友妻壽

賀政界壽

賀軍界壽

賀學界壽

賀商界壽

賀完姻

賀文明結婚

賀續妻

賀納寵

賀娶媳

賀娶孫媳

賀嫁女

賀生子

賀生孫

賀雙生

賀友人之子孫學校畢業

賀被選議員

賀商店開張

賀新居落成

賀人遷居

賀人新年

◎通候類

通候未會面神交者

通候舊交而疏闊者

通候新交而卽別者

晤後致函奉候

擬謁先行奉候

疏問道款

失逕道歉

覆候道歉

通候舊同事

通候舊居停

◎詢問類

函詢協約國採購軍糧是否有

無限制

致友詢問租界煙膏店是否一

律禁絕

奉問政府與德斷交之意見

函詢自流井之井火夜出奇光

覆詢地丁附稅暫緩減免之理

由

詢問友人遷徙地址

詢問友人何時回里

函詢物品價值

探問家鄉年歲豐歉

詢問友人之子已否訂婚

◎請託類

請友蒞會

請友入黨

請友發起追悼會

請友作證婚人

託友爲子擇婦

託友購置房屋



託友代覓古董

託友代求書畫

託友代請律師

託友代請醫生

◎引薦類

引新相知

引舊相識

引遠親而亟求援繫者

引本宗而素未謀面者

引錯怪而願負刑請罪者

薦會計

薦書記

薦西醫

薦西法畫者

薦華工程師

薦陸軍教習

◎規勸類

規友人宜戒狎邪

規友人宜戒賭博

規友人宜戒酗酒

規友人宜戒遊夜花園

勸友人務盡孝道

勸友人務盡弟道

勸友人夫婦諧好

勸友人改用國貨

勸友人購公債票

勸友人毋拘忌陰陽

◎詰辯類

詰問爲外人作僂者

詰問信奉耶教者

詰問同胞與語者

詰問約晤失信

詰問招飲不來

辯訴冤情

辯解誤會

辯非己過

辯答原委

◎贈謝類

贈土產

贈磁器

贈筆墨

贈果品

謝友送酒

謝友送花卉

謝人送竹籬

謝人送鐵畫

謝人送節禮

謝友送行

◎借償類

借款置產

借款婚娶

借款就醫

致友催借

爲友借款

及期償款

逾期償款

緩期償款

索還借款

賈延償款

◎允卻類

允友撥借

允代墊給

允代解紛

允與聯婚

允作證人

允襄善舉

卻友撥借

卻難介紹

卻延聘

卻聯婚

卻治遊

◎唁慰類

唁人丁祖父憂

唁人丁祖母憂

唁外艱

唁內艱

慰人喪偶

慰人喪兄

慰人喪弟

慰人喪子

慰問友病

慰人被盜

慰人被竊

慰人火災

慰人被誣

慰人敗訴

慰被捲逃

◎訂約類

訂某會晤

訂期在他友處會晤

訂期偕行

訂期同歸

約友觀書畫會

約友觀蘭花會

約友觀菊花會

約友踏青

約友登高

約友酒敘

約友茶敘

新分類尺牘大全外編目錄

◎尺牘擷錦

四時節序

職官稱頌

普通恭維

與答自謙

仰懷追念

師友交際

農工商賈

羈旅隱逸

閨秀淑媛

釋流道侶

器度襟期

壽誕稱祝

婚姻子嗣

喪事慰唁

憶別送迎

引薦求援

遊賞邀約

饋遺往來

講會請謝

篇終結撰

◎尺牘典故韻註

上 一東 二冬 三江 四支

五微 六魚 七虞 八齊

十灰 十一真 十二文

十三元 十四寒 十五刪

下 一先 二蕭 三肴 四豪

五歌 六麻 七陽 八庚

九青 十蒸 十一尤 十

二侵 十三覃 十四鹽 上聲

二腫 三講 四紙 五尾

七寒 八齊 十脂 十三

阮 十四旱 十五潛 十六

銑 十七篠 十八巧 十九

皓 二十咎 二十一馬 二

十二養 二十三梗 二十四

遇 二十五有 二十六廢

二十八儉 二十九賺 去一

聲一

送 二宋 四寘 五味 六  
御 七遇 八霽 九泰 十  
一隊 十二震 十四願 十  
五翰 十六諫 十七叢 十  
九效 二十號 二十一箇  
二十二禍 二十三漾 二十  
五徑 二十六宥 入一屋  
二沃 三覺 四質 五物  
六月 七曷 九屑 十藥  
十一陌 十二錫 十三職

十四緝 十六集

◎尺牘稱謂

家族

親戚

師友

用人

◎尺牘套語

書奉類

陳啓類

恭維類



接械類

起居類

頌慰類

聘仰類

自敘類

告慰類

申悃類

感荷類

伏冀類

臨書類

奉布類

請安類

# 新分類尺牘大全

●政界

●外交 附公使

○賀外交部總次長就職

某某先生閣下。南北睽違。恆懷

光霽。頃傳吉電。欣聞

肩時局之鉅艱。

掌外交之重任。

敦槃輯睦。

樽俎折衝。

策定交鄰。明燭五大洲之趨勢。

功成和會。譽標廿世紀之偉才。跂望

台衡。莫名忭頌。某壹是薪勞。如恒栗碌。屢擬北上。輒緣事

阻。不克成行。遙仰

櫛輝。靡由趨謁。倘蒙

不棄。尚望

惠賜教言。是所盼禱。肅此奉賀

崇禧。敬請

勛安。

某某謹啓

月

日

○賀公使就職

某某先生閣下。遠思

舊雨。正企

停雲。昨傳吉電。欣諭

執事。簡任公使。駐節歐西。

紓卓識。以匡時。

震大名於中外。

采風輶邁。喜鄰交增益光榮。

貫月槎行。爲國際敦聯睦誼。驥覘

偉略。軒舞神馳。某頻年歷碌。自愧勞人。虛擲光陰。毫無表

見方之

執事。奚啻天淵。未識

愛我者何以教之。

台旌何日放洋。尙乞

賜示爲荷。專此布賀

榮禧。祇頌

勛祺。

某某謹啓

月

日

○請止帝制。派爲贈勳特使

某某先生鈞鑒。屢次走謁

台端。均值

公出不晤。甚爲悵惘。茲啓者。頃聞帝制派某某。特使某國。奉贈勳章。將成事實。凡具常識者。莫不謂爲辱我國體。貽誚鄰邦。某某政團。提出質問。雖不無意見之存在。然平心而論。未始非救正之公言。伏希我

公商之。元首。打消此議。另簡他賢。以孚時望。而慰衆心。國家幸甚。專肅敬頌。

勳綏。

某某謹上

月

日

○華僑請求保護

某某先生閣下。重洋遠隔。下悵頻馳。側聽

風猷。祇增嚮往。伏惟

茵憑集福。

槃敦宏勳。

愆訐謨則機要洞明。

綜和會而聲譽翔洽。引瞻

台曜。愛戴同深。某等僑寓外洋。苦謀生計。近因某國新設

苛例。虐待吾曹。呼籲無門。俯首聽命。日前業將某等權

利受虧。自由被縛。諸情形。詳登華字各報。以泣求救。援

伏乞

鈞座力據公理。與某國嚴重交涉。拯某等於水火之中。而

重見天日。不特百萬僑氓。拜受

仁人之賜。卽祖國國體。亦大增光榮矣。迫切上懇。敬叩  
崇安。惟祈

垂鑒。

某某等謹上

月

日

○介紹外交人才

某某先生鈞鑒。昨奉

大教。藉諭

景福時申。

勛華日懋。慰如所頌。承

囑。留意外交人才。足見

閣下虛衷延訪。識量至爲遠闊。某浮沈人海。愧等井蛙。何



敢論列天下人士。然平日所欽佩如某某諸君。不但品學兼優。而且具有經驗。於世界大勢。國內現狀。舉能洞悉靡遺。倘若予以位置。效力國家。或不致覆餗貽譏。有負職任。惟

閣下夙號知人。未便妄瀆。是否有當。仍候鈞裁。肅復敬請

崇安。

某某謹啓

月

日

○探問與某國交涉情形

某某先生閣下。自別

台輝。時深積慕。敬維

履祺延慶。

政祉翔華。至爲頌慰。茲啓者。近聞天津老西開案。某國侵我國土。辱我國民。人心一致痛憤。風潮且愈演愈烈。某老北上。於某日視事後。尙未見有端倪。究竟如何辦理。如何結果。殊難懸揣。

閣下供職中央。見聞較確。希將目下交涉真相。略示一二。是所盼禱。肅此敬請。

鈞安。

某某謹啓

月

日

○請招待保護某國之游歷團

某某先生閣下。闊別

音塵。時勞夢轂。比維

政通人和。

榮問休暢。爲頌。茲啓者。某國游歷團。結隊來華。考察我國  
實業。聞某日準到敝埠。採訪一切。後行卽順道經過

尊處。特先具函知照。望妥爲保護。並加優禮招待。以敦兩  
國陸誼。倘該團發生意外問題。當據條約拒絕。蓋吾輩  
因應各盡職任。而國際交往。尤不可忽也。專此布達。祇  
請

台安。

某某謹啓

月

日

○函告某領事將有劃定國籍之正式公文

某總長鈞鑒。敬肅者。俄國逃哈。倚勢在內地一帶種種不法。業與俄領事嚴重交涉數次。渠以逃哈散居各山。出沒靡常。此驅彼來。且中不俄。法律無所施束。一遇類此案。殊形棘手。須商完善辦法。渠昨電本署。並通示南北兩山。凡俄國逃哈。限兩星期內。一律搬回俄境。過期不搬。則概歸中國管束。不得再認俄籍。正式公文。不日來署。再爲轉達。謹先專函略陳。以紓

廬念。惟希

垂察。敬請

勛安。

某某謹上

月

日

○某公使致中央政府略陳政見

國務院諸公均鑒。國會恢復。中外慶賀。采風所及。竊有陳述。  
一、永保共和政體。於憲法中確定之。二、速頒民刑商法。  
實行司法獨立。三、劃分國稅地方稅。實行地方自治制。  
四、普通教育經費。實由國庫開支。實行普及強迫之法。  
又體育應與德育智育並重。以造成胆略強健之國民。  
五、力籌經濟活動。應付世界潮流。提倡科學。開廣富源。  
凡茲皆國脈所關切者。謹臚備

擇。伏希

垂鑒。專肅祇請

公安。

某某謹啓

月

日

●內務

○賀內務部

次總

長就職

某某先生閣下。睽隔

之儀。久疏蘭訊。頃披郵報。欣聽

佳音。敬審

中央晉秩。內務宣勤。

綜閱自治之新猷。

締造民生之幸福。

經綸萬彙。紓政見而救時。

篤業一心。賴賢勞以當局。引瞻

吉。喬。搗。揆。良。殷。某。依。然。故。我。徒。爾。壯。游。望

龍門於千里。攀鱗而迹阻。登龍歌燕喜之三章。拜手而情

殷。賀。燕。專。肅。馳。頌

榮。禧。敬。請

勛。安。

某某謹啓

月

日

○詢擬長內部之某君可否通過兩院

某某先生閣下。自達

台。教。馳。企。爲。勞。比。維

景。福。駢。臻。

宏猷彪炳。慰愜頌忱。某本擬月初北上。因某君來函。謂內務長某君去後。暗潮激烈。囑某暫且靜待。不必投入政治旋渦。某意亦以爲然。特是該部政務。關係重要。懸缺待人。業已有妨時局。倘因此而乘機倒閣。前途險象。詎可復言。頃閱報載祕書長某君。將長內部。俟疏通兩院後。卽行提出。惟兩院對於某君。可否同意通過。

閣下當悉其內容。務祈

賜示大略。是所盼禱。肅泐敬請

鈞安。

某某謹啓

月

日

○覆陳試驗縣知事之辦法



內務總長鈞鑒。奉到某日

鈞諭。敬悉。惟某省此次改革之初。各屬知事。大半棄職潛逃。接任人員。或由士紳公推。或由民軍派充。或由道尹委代。某前省長亟思整理。旋值交卸。某到任後。熟察地方政紊民困情形。自應以澄清吏治。爲入手之方針。現查分發到省及本省合格人員。甚形擁擠。平時漫無考察。臨事遽予委任。殊非慎重吏才之道。茲擬設政治研究所。試驗合格人員。拔尤送所。研究政法重要學科。由某詳加督察。果係學識優長。才具穩練。方准分別差委。庶甄拔盡屬賢能。中材亦資砥礪。似於吏治前途。不無

裨益也。肅此奉復。敬請

勛安。

某某謹啓

月

日

○答言行政官長應盡職務

某某先生閣下。違

教積時。良殷馳系。辰維

升祺晉鬯。

鼎祉咸庥。慰如所頌。茲啓者。日前某君來。茲述及

閣下因經濟困難。各事棘手。行將辭職等情。某意甚不以爲然。蓋共和再造以來。凡行政官所當負責者。均應竭力維持。以期恢復地方之原狀。如果財政支絀。無米難

款。仍宜設法通籌。爲彌補一時之計。始於良心上天職。上可告無慚。尙希

閣下任勞任怨。勉爲其難。毋遽萌掛冠之念。是幸。肅此祇

請

鈞安。

某某謹啓

月

日

○請議決地方自治草案

某某先生閣下。自違

光霽。時切傾馳。敬維

履祉延鴻。

勳猷聿駿。式如下頌。茲啓者。國會省會。相繼恢復。地方自

治延未實行。卽須改善規程。及今宜可安定。乃政府竟視爲不急之務。對於各方請求者。一諉再諉。究不知是何用意。前聞某君長內部時。業將地方自治擬就草案。似可提出兩院。決定公布。以慰輿情。鄙見如此。是否可行。伏希

賜復。是幸。肅此布。敬請

鈞安。

某某謹啓

月 日

○詢修正之喪禮議案

某某先生鈞鑒。逕啓者。民國成立。五載於茲。喪禮未經頒行。民間率因舊俗。畸重畸輕。漫無標準。按諸國家教孝之

意未免闕如。某在京時曾與我

公面談及此。承

示擬將從前政事堂禮制館所編之喪禮草案。重加修正。以備施行。某當卽贊同。敦促辦理。迄今時閱月餘。想此項典禮。應在

悉心考訂之中。惟世俗如此靡漓。倫紀亟待整飭。現在該議案之修正。曾否竣事。尙希

賜示。以慰懸系。是所切禱。專肅敬頌

助祺。

某某謹啓

月

日

○與友言慎選縣知事之政見

某某先生鈞鑒。昨奉

來教。

垂詢行政意見。愚庸如某。何敢率臆妄言。惟念光復至於今茲。各省知事。人繁缺少。鑽營在所不免。偶一疏忽。官常之污點既多。人民之受害尤甚。况經此次亂事。地方之元氣大傷。必須慎選知事之確有循良成績者。委任各縣。以實行教養爲最。不以空言鋪飾爲能。而對於關冗不職之徒。一律破除情面。概予屏除。庶可望官盡其職。民安其生。俾政治煥然改觀也。區區管見。特

愛直陳。惟祈

亮譽是幸。手此肅復。祇頌

鈞祺。

某某謹啓

月

日

○答清鄉事宜與保衛團之問題

某某先生鈞鑒。昨辱

惠書。備荷

垂注。感何如之。承

詢清鄉并保衛團事。微意似可無庸多慮。蓋籌辦清鄉與前設之保衛團。係兩問題。不相牽涉。况如某鄉自保衛團成立以來。依然奉行故事。而地方伏莽。動輒乘機竊發。若非舉辦清鄉。調查戶口。使奸宄無從託足。恐治安

兩字。仍屬空言。務祈我

公執定主意。一面籌行清鄉事宜。一面整頓保衛團務。雙方並策。其收效或較易爲力也。肅復敬頌。

勛祺。

某某謹啓

日 月

○函請寬籌平糶款項

某總長鈞鑒。敬肅者。前因紙幣停止兌現。糧價騰貴。遵辦平糶。以維公安。乃迄今多日。財部並未指撥款項到廳。而民食所關。已有岌岌不可終日之勢。復商由籌辦陸軍軍需事宜處撥用軍米一萬石。幾費磋商。始經就緒。約計出糶足敷半月之數。京師人烟稠密。需糶甚鉅。舉辦



平糶。若非寬籌款項。延長時日。僅恃此有限之米石。杯水車薪。勢必半途而輟。擬請由

部轉商財部。另撥現金。藉資接濟。事關緊要。彼此均不得不勉爲難也。專肅祇頌

鈞綏。

某某謹啓

月

日

● 財政

○ 賀財政部

總次

長就職

某某先生閣下。瞻言

階阨。迥若雲霄。疏敏

起居。彌深歎仄。日昨吉語傳來。欣諭

榮膺簡命。財政宣勤。

敷厚生利用之新猷。

定足國裕民之大計。行見

度支綜覈。危局賴以維持。從茲

經濟寬籌。前途不難競進。

訐謔所被。鼓舞同深。某遙承

榘範。歷有歲年。荷

獎借之逾恆。撫迂疏而滋感。專書爲賀。不盡依馳。肅頌

榮禧。敬請

勛安。

某某詳啓

月 日

○陳告省款困難預算應照原案

某總長鈞鑒。敬奉某日

明諭。無任悚惶。某亦知中央行省。唇齒相依。如果有款尙可騰挪。自應設法挹注。無如本屆預算。雖經屢議減支。短絀猶鉅。不得已或將原定經費。切實核減。或就已設機關。酌量裁併。權爲削足適履之謀。勉符量入爲出之義。然地方輿論。咸謂本省財政。悉被中央囊括。以致地方事業。半多停廢。曠有煩言。某責任所在。對於國家。固當竭誠擁護。對於地方。亦不能不予維持。今既目擊地方財政實在困難情形。惟有仰懇

大部將本年度國家預算。仍按原案核編。以期雙方並顧。是所切禱。專肅。祇叩。

崇安。

某某肅上。

月

日

○請查破壞中國銀行之造謠者

某部長鈞鑒。逕啓者。本行開兌。迄今兩旬。初時甚形平穩。近日兌現人數。日益衆多。推其原因。多由於誤信謠傳。昨日本行員人等。親聞到行取兌之人口稱。外間紛紛傳述。中國銀行兌換券。及今不即取兌。將有不能行使之說。此種謠傳。最易淆惑聽聞。惹起恐慌。是必有陰圖破壞。布散謠言者。應請

貴部迅發白話布告。普遍曉諭人民。切勿以訛傳訛。自相驚擾。附利擠兌。並一面飭查造謠惑衆之徒。從嚴懲辦。實爲公便。此上敬頌。

勛綏。

某某謹啓

月

日

○詢鹽稅條例之疑點

某某先生鈞鑒。頃奉某日

明命敬悉。惟某查鹽稅爲一種人頭稅之變相。無論男女老幼貴賤。無人得以自外。此項稅率。應以公平劃一爲原則。前清鹽法。始終未能統一。不但省自爲政。卽一縣以內。稅率亦復不一。自民國二年。鹽稅抵借外債。設立

稽核所。鹽稅已集於中央。各項名目。已刪併爲一稅。惟各省之稅。是否劃一。前政府所頒布之鹽稅法條例。會否實行。現在是否繼續有效。凡茲疑點。仍祈

賜復。指示明晰。是所切禱。專肅敬頌。

鈞祺。

某某謹啓

月 日

○復告兌換券法及取締紙幣之決定

某某先生鈞鑒。頃奉

大教。敬悉。前年中國銀行原定兌換券章程。凡五條。各條中所規定者。本不甚完備。如未定發行額之制限。及準備金之成數。尤爲窒礙不便。因發行額與準備金。皆爲

發行兌換券之要素。而該行之章程。竟漏未訂明。現在亟宜補救。業由泉幣司擬定兌換法草案一種。大約係採用德國之伸縮法。至於取締紙幣法案。議決取消第三條例外之規定。增加一條規定印刷紙幣之辦法。必須指定一場所。庶可免各印刷局皆可承印之流弊也。肅此布復。敬請

台安。

某某謹啓

月

日

○請求勿以烟酒稅抵借美款。

某某先生鈞鑒。敬啓者。公賣實行。兩業垂絕。業舉代表到京。請願要求廢止。以蘇商困。今商部將此稅抵借美款。置

萬商呼籲於不問。使苛稅無廢除之希望。夫稅由商出。商減稅絕。抵押亦虛。願目前而貽後禍。商等生死所關。誓不承認。伏乞我

公就商。主座。願念商命。另籌濟用。勿允簽押。以慰衆望。是所切禱。惶急上請。並盼

德音。祇叩

助安。

某某等謹啓

日

月

○請止現銀出口以維金融

某某先生鈞鑒。敬奉

大教。



垂詢本埠金融近狀。仰見

盡籌遠慮。眷顧周詳。無任欽佩。某查歐戰勃發以來。各國亟需銀貨。競相吸收。銀價突貴。實爲歷來未有之奇聞。比聞英倫銀塊市場。較匯兌市場尤形昂貴。我國金融界受其影響。現狀頗危。從長計議。惟乞我公設法。暫止現銀出口。以救市面而安人心。至爲禱幸。專

肅敬頌

鈞綏。

某某謹啓

月

日

○函述就職財廳後之困難現狀

某某先生鈞鑒。頃奉

教言詢及就職以來各情形。愧無寸進。以報

尊命。無任悚惶。蓋財廳一官。報稱本自非易。此間再造。辦理尤有爲難。積虧近三百萬。詎僅無米爲炊。待賑者億兆人。安忍竭澤而罟。方謂民力宜紓。而有瘡須醫。催科不容稍緩。明知中央需款。而燃眉待濟。協解萬難。應期加以商貨滯而稅釐銳減。麥收薄而丁賦難催。烽烟甫定。損失之文報日來。苛細議停。預算之的款烏有。凡茲種種困難。罔不昭昭有據。某猥以迂愚。奉權斯職。敢捧檄而色喜。懷覆餗以貽羞。惟有秉承長官。亟籌救濟之策。勉竭棉力。冀收尺寸之效。謹摭愚悃。以紓

塵垂。專此肅復。祇請

勛安。

某某謹啓

月

日

●陸軍

附海軍

○賀陸軍部總次長就職

某某先生閣下久別

英姿末由晉謁。昨傳電訊。欣諭

總司九伐。

統屬六師。

扈帶鮫函。行見激揚夫士氣。

龍韜豹略。從茲鞏固我國防。跂望

鈞衡莫名忝頌。某自慚文弱。莫補涓埃。惟念外患憑陵。國基未固。幸得整軍經武。如我

公者。天下事尙可爲也。肅修寸牘。恭達賀忱。敬請  
勛安。諸惟

亮鑒。

某某謹啓  
月 日

○賀海軍部總次長就職

某某先生閣下。溯睽  
鈞侍。駒已經年。正企  
鴻儀。適傳鵲報。欣悉  
榮膺簡命。職統海軍。

宣偉績於樓船。

闡奇才於武庫。

陣雄貔虎。綜持領海之權。

威懾鯨鯢。永息揚波之警。

英名遠播。忭頌心傾。某自慚迂疏。分甘愚賤。惟念我國艦

隊有名無實。久爲東西各國所輕視。得

公出而整頓之。預料將來成績。定有可觀也。專函馳賀

榮禧。敬請

勛安。

某某謹啓

月

日

○致友人告卸軍職

某某仁兄如握。闊別數月。相念同深。昨奉

手書。感荷

拳注。就諗

一福履勝常。如頌爲慰。某前以戰禍潛消。軍司令部無設置之必要。兼之餉項奇絀。迭次呈請取消。以紓財力。而符軍制。均未獲准。某督蒞任。再四縷陳。始蒙允准。已於日昨將所部解散清楚。一切事宜。由所屬兩師。直接督軍辦理。惟某才疏學淺。在此數月。雖竭棉薄。無補時艱。莫名慚愧。今幸解職任。藉藏鳩拙。瞻望衡宇。心稍自安。此後歲月寬閒。長爲太平無事之國民。於願足矣。肅復。祇

請

台安。

某某謹啓

月

日

○奉詢製造局是否裁減工匠

某某先生閣下久違

台教。延跼彌殷。比維

履祉延綏。

助勞懋著。慰如所頌。茲啓者。頃閱報載。此間製造局有裁減工匠之說。事果實行。關係極大。蓋此種精嫻技術之工匠。非經多年工作。不能養成。初不容與尋常勞動家相提並論。况適當外人百計羅致此項工匠之時。我國

反不加愛惜。揮之使去。彼貧民迫於生計。固不得不呈  
功於外族。惟一念及楚材。竟爲晉用。秦肥必致越瘠。利  
害所關。至爲重要。務祈我

公注意及此。與當局設法維持。是所切禱。專肅敬請

鈞安。

某某謹啓

月 日

○覆告青木顧問。不傷軍事上之主權。

某某先生鈞鑒。

來書敬悉。承

詢聘。請日本青木中將爲顧問一節。因該中將於此次恢  
復共和。頗多助力。故以此爲酬庸之具。一方亦可藉以



疏通日本軍界之感情。外交且不無作用。其合同所定職權之範圍。係備黎總統之諮詢。與委任其調查事件而已。若如外間所言。授以軍事大權。政府非喪心病狂。何至無端舉以奉之。况某總理精明強幹。身居陸軍總長之職。亦決無令通過於國務會議之理也。肅復敬頌鈞祺。

某某謹啓

月 日

○與友人言裁減軍隊之困難

某某君大鑒。昨奉

惠書。詢及裁減軍隊之情狀。某恐此事非一時所能辦到者。今日我國軍隊。多至一百十餘萬人。其糜餉傷財。蠹

蝕人民之膏血。固無可諱言。乃政府決計裁減。并且定有策略。擬先改組獨立省分之軍旅。次及於未曾獨立者。計議已久。仍託空言。推厥原因。蓋無論解散與改組。兵士必須退伍。退伍斯餉銀與恩俸。必須照付。故此問題中最困難之點。遂着重於財政。而財政又必仰給於借款。借款不成。如何措手。某羈絆此間。萬分焦急。不知何日始可脫離關係。而卸我仔肩也。肅此奉復。祇請

鈞安。

某某謹啓

月

日

○致某軍界勉其尊重軍人之資格

某某仁兄麾下遙欽

盛譽。時切馳思。比維

景福便蕃。

宏猷彪炳。至爲企頌。某頃閱某日通電。

台銜亦與其列。不無可疑緣。

執事素以忠誠服從。捍衛國家爲天職。從未沾濡虛僞。跳  
跟之習性。該電或係他人捏代。亦未可知。然我輩軍人。  
當以尊重軍人之資格爲第一要義。偶一涉及國內政  
治。卽犯天下之不韙。而自貽出位之譏。該電如果未與  
聞。敢祈

執事速行聲明更正。以脫關係而保

築譽恃

愛直陳。伏希

垂鑒。肅此敬請

助安。

某某謹啓

月

日

○覆述武術研究社之意見

某某君大鑒。承

示尊處創設武術研究社。并請軍省兩使。爲咨部立案。用心亦良苦矣。雖然。我輩軍人。誠能各就其職分之當然。而盡力以進行。已無愧爲實際之捍國義務。奚事舍其職而別求。所以鍛鍊精神者。如曰爲部下兵士計。何不

可各就所部。以勤加訓練。如曰爲一般社會計。又何不可。由各界創辦學舍。以廣播軍國民教育種子。某反覆思之。竊有不敢贊同者。尙祈

恕其狂拙。而

垂諒之是幸。肅此布肌。敬頌

鈞綏。

某某謹啓

月

日

●教育

○賀教育部

總次

長就職

某某先生閣下。翹企

鴻儀。久疏

聖教懷思之切。匪可言宣。昨傳吉電。欣諭

就職中央。綜權教育。喜

聲華之卓越。欽

德業之光昭。

作育人材。爲民國蔚成杞梓。

陶鎔社會。凡學林咸仰斗杓。驥首

台衡。傾心軒祝。某陋無學殖。碌碌靡陳。遙跂

龍門。寸衷豔羨。倘蒙

不棄。教而進之。感幸無既。肅泐敬賀

大禮。祇頌

鈞安。

某某謹啓

月

日

○陳請研求教育實際上之訓練

教育總長鈞鑒。某日

賜教敬悉。惟某竊有陳者。教育之事。至爲繁密。其提挈綱領。決定方針。端在政府之主持。至各省之實際進行。則須體察地方情形。求因勢利導之法。使社會對於教育。確有信用。而後普及。乃可漸期。以我國幅員之廣。生齒之繁。財力之絀。師資之缺。興學十餘年來。求學校數學生數之推廣。已覺困難多端。更進而按之教育實際上之訓練教授。所以養成學生完備之人格。與其將來生

活之能力者。實未敢謂確有共睹之成效。夫以教育救國之至爲急要。而求效乃如此其難。此非賴國內教育家之殫力研求。共謀進步。甯克有濟。某才識樛昧。固不足以語此。但竊願奔走聯絡。悉心體察。各地方實際之狀況。以助改良促進之謀。上之藉芻蕘敬獻之忱。爲政府備採擇。下之本藜藿自甘之心。與學者共艱辛。區區之心。伏祈

垂察。肅復祇請

鈞安。

某某謹啓

月

日

○函告教育行政會某君之竟見



某某先生左右。月餘不通音問。每懷

雅度。夢寐爲勞。比維

勳定延綏爲頌。茲啓者。頃聞教育部近復召集各省教育  
行政人員。開會討論教育行政事項。大約與改設教育  
廳一事。亦不無關係。我省所派。卽爲省署教育科科长  
某君。據說某君之意。擬將教育經費。設法擴充。其注意  
之欸。在改漕折爲省稅。及官產中之屯田沙田升科繳  
價等款。惟此事非由一部主管。卽使議決。亦須向主管  
各衙門。磋商妥洽。方可見諸實行也。知關

錦注。述畧奉

聞專肅敬請

台安。

某某謹啓

月

日

○覆論實業教育及生活問題

某某先生鈞鑒。昨承

大教商及實業教育及生活問題。某亦注意及此。惟我國  
設立學校。雖云不少。而學校之分配。甚不適宜。大致趨  
重於直系學校。殊不知國民之生活程度不同。學生之  
特性各異。倘必使人人具有高遠之希望。而達到其目  
的。亦不過增益國中之高等游民而已。某意宜俟開全  
國教育聯合會時。提出上項問題。若得各教育行政官。

及一般教育家。一致贊同。改組各校章及教授法。使各地方造成多數獨立生活之國民。組織各種有益國家社會之事業。久之久之。我國民或可競爭生存。與世界各先進國爲同一之趨勢也。肅此布臆。敬頌

台祉。

某某謹啓

月

日

○陳述聯合運動會之主旨

某某先生偉譽。自別

台暉。思與時積。敬維

提倡教育。

籌畫賢勞。無任欽佩。昨晤某君。述及我鄉聯合運動會。成

績均佳。誠足徵近年來注意體育之進步。然某所希望於教育界者。不僅在強健個人之身體而已。當此國家積弱之時。禍患交乘。莘莘學子。既具愛國之熱心。尤須養成兵士之資格。一日國有緩急。皆能投筆從戎。執干戈以衛社稷。則今日強健其一身者。他日卽可以強健其國家。此軍國民教育之所以不可緩也。主持教育者。能準斯旨以預備於平日。而勿徒爲一時運動計。民國前途。庶乎有望。區區管見。尙希

採納是幸。肅此敬頌

鈞祺。

某某謹啓

月

日

○與友人言考查各僑民教育之手續

某某先生左右承

詢考查華僑教育之手續。且辱荷

垂注一切。愧感交并。某自念輕材。何能勝茲重任。不過藉此一行。或可增長學識耳。所有南洋羣島各華僑。遠居異域。中文久已荒疏。元二兩年。曾經遴委各門中學管理員。分往各僑埠。創辦各級普通學校。惟風氣初開。一時難臻完備。近頃政府因僑民眷念祖國。迭請提倡教育之懇誠。特派某與某君。會同前往新加坡舊金山哇埠爪拉等十六島。實地考察僑民教育。某業將已辦各

校成績優劣。及性質習尚。應興應革情形。斟酌時宜。參  
以己見。詳細呈部核辦矣。放洋如有定期。再當奉  
聞。肅復敬請

鈞安。

某某謹啓

月

日

○覆言重農國教育之要素

某某先生賜鑒。頃讀來

書。謂我國教育。弊在蹈空放任。其結果遂養成一種放縱  
恣肆惰偷不事事之游民。言之何其痛切也。某意以爲  
人民立身之本。須先養成人格。而又能自謀生活。故德  
國之教育。首注重於訓練。凡於執行規律。服從命令上。

實傾其全力。校風嚴肅。爲各國冠。又重於實際生活。勤於稼穡。平常農民子弟。卒業於學校者。恒能安於祖父之業。說者謂重農國之教育。而亦習於好高。疏於實用。則其國之現象。必不堪言。今我國亦如德國以重農著。而教育與之相反。將來弊害日滋。何可設想。是仍在我輩主任教育者。亟圖矯正補救之法也。率臆奉復。卽頌

台祉。

某某謹啓

月

日

○函告教育原狀已經恢復

某某先生鈞鑒。昨奉

惠書。

垂詢一切足徵

執事關懷桑梓。

注重教育之盛意。我省當脫離袁政府時間。軍務倥傯。百端停滯。堯堯學款。移作軍需。教育首蒙其患。無可諱言。近今政局重新。與民更始。幸賴省長某公。急求恢復原狀。除原定教育經費。力予維持。並將移用者一律撥還。莘莘學子。靡不額手相慶矣。略述實情。上紓

塵注。專復祇請

台安。

某某謹啓

月

日

○函請贊成南京設立大學



副總統座右。某伏念南京爲共和政府開始之地。今爲我

副總統駐節之邦。聲教文物。實爲南方之領袖。觀日本大學。東京與西京並重。中國地大物博。南京大學。宜與北京大學並重。乃袁政府時代。摧殘教育。擬設大學。皆以無款爲推諉之辭。今黎公繼任。克勤克儉。亟謀陶鑄國民。以爲百年大計。某擬就國家經費內。指定常年經費十萬元。設立南京大學。不難自民國六年爲始。尅期成立。恭逢我

副總統坐鎮南京。如舜在貳室。禹導三江。施澤於民。旣深且久。宜留紀念。以昭垂百世。况江浙皖贛各中學升學

者日繁一日。苟南省闢茲升學之大區。以儲人才而備  
任使。將來成就衆多。爲民國

偉人之先導。則銅像峨峨。不僅以

武功赫濯。表著來茲也。某爲中國萬世計。爲

公萬世計。冒瀆上陳。伏惟

察其誠而贊其成焉。肅稟恭叩

鈞安。

某某謹啓

月 日

◎ 司法

○ 賀司法部總長就職

次

某某先生閣下。音問久疏。

芝雲切趾。頃聞喜報。藉慰懽悰。敬謹

執事。以法學專家。綜秋官重任。

謨超肺石。

譽溢口碑。

酌理平情。敷文明之德化。

措刑弼教。表法治之精神。引企

吉暉。曷勝忭頌。某愧乏幼度之才。又復疲心塵務。愈用蒙

譽。靡足告語。惟冀

錫我淵箴。俾資進益。無任感荷。專肅奉賀

台禱。祇請

勛安。

某某謹啓

月

日

○函述限制各廳請求解釋法律之理由

某某先生大鑒。來

書詢及請求解釋法律之限制。實爲慎重法案起見。蓋法院爲獨立性質。無論何審級之司法官。對於該審級管轄案件。各有完全審判職權。關於適用法律。無論如何困難。均有盡職權而爲解釋之義務。乃各廳動輒將受理之案。隱匿姓名。渾括案情。請求大理院解釋。不知大理院之權限雖高。豈能代各廳爲審判。况案情隱約。又豈能洞悉情僞。凡此於審判上無實益。於訴訟人或反

蒙武院實屬法所應禁。現在下級司法法律條文上之疑問。應仍暫准請求大理院解釋。以免錯誤。其具體問題。不得再存畏難卸責之見。放棄職權。濫請解釋矣。辱承

明問。舉略奉聞。此復。祇頌

台祉。

某某謹啓

月 日

○奉告廢止縣知事兼理司法之問題

某某先生鈞鑒。逕啓者。縣知事兼理司法。應否廢止之問題。業由法部提出司法會議。其內容所列舉者。一縣知事

兼理司法。流弊滋多。若仍姑息因循。似非保障人權之道。則縣知事兼理司法一事。應否即日廢除。抑暫不廢止。另設他法以補救之。二、假定廢除縣知事兼理司法。自應另設機關。但是否應遍設初級廳。抑設專審員。而以縣知事兼檢察事務。或另設檢察員。三、專審員之關於事務之管轄權。是否僅限於初級。抑係凡初審者均歸其管轄。四、添設專審員。此項增加之司法經費。應如何籌措。五、各省各縣情形不同。究竟如何。方能適宜。六、各縣不能設專審員者。應用何法。始能減少縣知事兼理司法之流弊。凡茲六端。均係必須討論之要點。俟該

會表決後。當再奉陳。以慰

厯注。肅此祇頌

台祺。

某某謹啓

月

日

○覆言恢復四級三審之主張

某某先生鈞鑒。承

示商權審級應否沿用四級三審制之一點。某按中國舊制。審級最多。如縣如府如司如道如院如部。多至五審。審級少則嫌遏抑。審級多則嫌遷緩。故每案限以三審。實已不可再少。每案既以三審爲限。若不區別輕重。分爲初級管轄與地方管轄兩級。則輕微案件。勢必以大

理院爲終審。無論事實上大理院能否勝其繁冗。各國有無此種先例。而人民以輕微細故。亦必使之赴高等廳控訴。赴大理院上告。既不便利。尤難迅速。殊背國家恤民之本旨。故仍宜回復前清法院編制法之全部。較爲切合國情。而應從速決定者也。此復。祇頌。

台綏。

某某謹啓

月

日

○函告保存審判廳舊址

某某先生閣下。久違。

台教。恆切心藏。比維。

政履休嘉。爲頌。茲啓者。我郡城外某處。初級審判廳舊址。



係純粹司法機關之公產。不得變價標賣。前經某等稟請高等審判廳訓令縣公署及清理官產事務所保存。在案。茲縣署又奉審廳訓令。飭其妥善保管。並先繪圖呈報。以爲恢復舊制之預備。究竟此種初級機關。法部會否決定辦理。尙希

確示詳情。是禱。專肅敬請

鈞安。

某某謹啓

月 日

○答司法會議之預備計畫

某某先生賜鑒。承

詢北上定期。并荷

招待厚意。感激莫名。某因司法會議日期迫近。而一切籌畫改良司法之手續。又不得不先為預備。現在連日特召各廳職員。開廳討論。各員提出意見書。共有二十餘起。大致多注意於知事兼理司法利弊。並恢復地方廳。復設審檢廳。劃清司法行政權限等項。某擬擇其切實可行。或理由充足者。提出表決。後即偕某君赴京。預料行期當在望日左右也。知關

垂注。手此馳復。敬請

勛安。

某某謹啓

月

日

○請將司法經費確定為國家歲出之正款

某某先生鈞鑒。敬讀某日

大教。對於司法經費爲難一節。某意以爲無庸疑慮。前此當道者。輒諉謂司法經費浩繁。國家無此財力。而其實則以摧殘司法獨立之手段。以收三權混合之實權。特逐漸減少其經費。以構成此困難之現象。試反證之。設編製預算者。於歲出項下。刪去司法經費一款。則司法經費。行將無着。豈僅困難而已。今苟由法部計劃全國初級法院。應設若干處。每處經費若干。地方法院。應設若干處。每處經費若干。合之已成立之各級法院經費。共需若干。編成預算。提交國會議決。悉由國庫支撥。尙

何困難之有也。區區愚見。恃

愛直陳。尚祈

商之當局。採擇施行是幸。肅此敬請

鈞安。

某某謹啓

月

日

○函商廢除法官迴避本籍之主張

某某先生閣下。敬啓者。竊維訴訟通例。以口頭審理爲原則。民事判決。以適用習慣爲要義。任用法官之標準。務與當地語言風俗。無大懸殊。庶審理不生隔閡。判斷亦少錯悞。查元年公布之法院編制法。及訴訟律管轄各節。均有臨時迴避條文。蓋一方圖審判之便利。一方慮有

親故嫌疑。令其自行引避。意美法良。無可訾議。自國會  
被摧。法治失效。司法部迎合袁氏意旨。定一迴避本籍  
辦法。以秦越肥瘠不關之人。聽閭閻雀鼠相爭之訟。兩  
年以來。各省法庭黑闇。日甚一日。哀哀小民。呼籲無路。  
司法改良之障礙。莫甚於此。某以爲法官迴避本籍之  
例。實屬違法害事。防弊而弊益滋。且行政人員。既已破  
除限制。法官更無獨須迴避之理由也。鄙見是否有當。  
伏希

賜教是幸。專肅祇頌。

鈞祉。

某某謹啓

月

日

●農商

○賀農商部

總次

長就職

某某先生閣下久別

光儀時殷馳慕。傳來吉語喜溢

台階敬譔

彌謨新政。綜掌農商。

大矩丕張。

豐猷卓越。

富民強國。爭茲世界之光榮。

利用厚生。恢我神州之實業。引瞻

華僑曷既驚軒。某管蒞自慚。浮沈無似。側聞

大用之佳音。知凡平日屬望於

左右者。胥將驥首以觀措施也。肅此馳賀

榮禧敬請

勛安。

某某謹啓

月

日

○通訊農事試驗場提倡大宗特產

某某先生鈞鑒。逕啓者。我國以農立國。如茶糖棉絲烟麻各項特產。素爲國際貿易大宗。乃各省農場試驗品種。大都仍偏重于普通作物。而于地方大宗特產。轉付闕如。辦理殊嫌未合。現在敝處查明上項各種特產。責成農

事試驗場。力爲提倡。廣育種苗。傳布各處。并將實驗所得。撰爲白話說明書。轉發各縣。勸導鄉農試辦。至原有作物中。品種優良。合於土宜之種子。仍酌量留存。頒布近地試種。其餘無關重要之作物。從緩布置。免礙進行。似此辦理。庶可使大宗特產。增殖而改良也。聞貴處提倡農業。成績頗佳。如有良好品種。務希及時惠頒。是所切禱。肅此卽頌。

台祉。

某某謹啓

月

日

○函請各公所調查苛稅釐金

某某先生台鑒。敬啓者。吾國工商各業。歷受釐金苛稅之束



縛以致國貨委靡。銷路阻滯。前經本會公推某某君。赴京請願。蒙大總統洞悉商艱。允於明年起。先將苛稅一概裁免。所有裁釐加稅。亦允積極進行。並擬酌完一稅。遍行全國。以便國貨與洋貨稅則相等。俾利運銷而挽利權。現正計畫辦法。大約可望實行。

貴公所同業受稅釐之痛苦。較儼會尤烈。對於此項問題。必能積極贊助。俾達目的。用特專函奉達。務祈貴公所將近年所有苛稅釐金。詳細調查。一一列表送會。以便彙集送部。是所至禱。專此祇頌。

公祺。

某某等謹啓

月

日

○函復漁牧進出口冊報之辦法

某某君大鑒。某日來

函敬悉。近頃政府。因漁牧兩項。爲吾國出產大宗。比年以來。此項貨物。歲由外洋入口。源源不斷。利權外溢。莫此爲甚。現由農商部擬定冊式。飭關按月分別種類。專冊報部。意在周知漁牧兩項輸出輸入盈虧之比較。與調查農產出入量數無異。

貴處卽按月照部定冊式。分別種類。詳細調查填造。連同農類出入量數表。一併自行送部可也。此復。順頌  
台祉。

某某謹啓

月 日

○函陳救濟絲綢機織業之根本計畫

某某先生賜鑒。頃奉

手教。感佩莫名。竊以絲織成品。不獨爲工匠生活所依賴。且商業亦恃以發展。國家經濟亦賴以充裕。若原料輸出。非但遏絕本國工人生計。實轉爲製造品輸入之媒介。與工商業之利害。適爲相反。現在絲綢機織三業。困難情形。達於極點。如欲爭此生存之餘地。不可不預作根本之計畫。而推廣植桑。植桑辦法。擬先從調查地區入手。若者須擴充。若者須開闢。合羣策羣力。而籌備進行。當不難達到振興實業。挽回利權之目的也。鄙見是

否有當。卽希

查照賜知。無任盼切。專此順頌

台祺。

某某謹啓

月

日

○答言社會與政府最宜注意之要點

某某君惠鑒。來

書詳論我國實業。切合時宜。無任佩服。惟某之鄙見。更有  
兩事最宜注意者。在社會方面。當注意教育。所爲教育  
云者。不僅在予以智識技能。尤當養其勤儉之習慣。培  
植其樸實進取之精神。蓋勤儉進取。恆十百倍於常人。  
則其所獲亦必十百倍於常人。此必然之理。我國工商

界而有十百倍於常人之力量。其事業未有不發達者。在政府方面。當注意獎勵。所謂獎勵云者。不僅在名譽褒揚。尤當誘掖其企業之心。補助其未足之力。緣彼巨大營業。莫不含有危險性質。政府苟竭力誘掖而補助之。斯民業自有日興之機。稅源既活。國用自充。利仍與國家共也。上述兩端。果能雙方實行。某將與執事樂觀我國之前途。而預賀之。此復。祇請

台安。

某某謹啓

日 月

○函述推銷國貨之佳音。并詢註冊事。  
某某先生閣下。匆匆掛別。倏已月餘。比維

政祺履祉。動靜罄宜。爲頌。某在都時。與

閣下縱談國貨漸漸發達情形。猶謂我國實業程度幼稚。以之杜塞漏卮。則已有餘。而開拓利源。則尙不足。乃不意機會之來。出人意外。近來歐洲各國。以戰事影響。缺乏肥皂洋燭火柴各品。業已來滬大批購辦。且有定貨。因原料驟漲而不能如期照交者。此等際會。實屬難得。誠爲我國對外貿易。從來未有之佳音也。前託註冊事。倘已

費神辦妥。希即便中

賜示是禱。肅此敬請

鈞安。

某某謹啓

月

日

○與友人言振興實業勿徒恃官場文告  
某某君台鑒承

示某君所擬意見書。洵是今日中國農事衰頹時代之對症藥石。特僅以責望於官設機關。與少數學校之生徒。其收效終爲有限。而實際上以農田爲生活之大多數。要無與也。且各地匪盜縱橫。頻年災荒相望。吾儕小民。雖有田廬。且不能一日安坐而耕治。遑云一切改進之謀。故爲國家重視農民計。今宜首先肅清各省擾民之匪。次乃減除一切煩苛之稅。次乃就一般普及之農業。

品。從事實。上易能之處。逐漸提倡。並與民間爲連合之  
進行。而勿徒以資望於官場。文告之末焉。斯吾國農業  
前途。庶其有挽救之可言歟。鄙見如此。  
足下以爲然否。此復順頌。

日祉。

某某謹啓

月

日

交通

○賀交通部

總次

長就職

某某先生閣下。緬想

鴻儀。正殷鵠望。頃披郵報。忻悉我  
公以冠世奇才。任交通綜職。



神周步亥。

道嚮由庚。萬脈貫輸。

擴海陸工商之利。四科總策。

展路航郵電之規。景企

勳猷。曷勝忭頌。某自愧菲材。乏善可述。惟念該部久爲盤

據者所把持。弊端百出。無可諱言。

執事視事之初。想當全局統籌。

力加整頓。大紓利國利民之

政見也。專函馳賀。

崇禧敬叩

勛安。

某某謹啓

月

日

○函請提倡郵便儲金

某某先生閣下。久違

眉宇。相念如何。辰維

幸福日增。爲頌無量。茲啓者。郵便儲金事。業已在交通部  
郵電大會議場開議。由國會議員某君提出建議案。  
說明籌辦郵便儲金理由。得多數通過。本議案表決後。  
已付郵政股審查。此項利民福國。國家社會互相維繫  
之經濟政策。行將舉辦。我

公爲梓鄉碩望。各界推稱。務祈乘此時機。

竭力提倡。先就各地方設立郵便儲金宣講部。公舉熱心此項公益之士。分赴城鄉村鎮。宣講郵便儲金種種實益。務求家喻戶曉。以捷推行。並附設簽名處於各團體機關內。以便各界有志。就近題名。根本大計。幸勿緩視。國家榮悴。責在吾人。仰仗主持。無任馨祝。專肅敬請

鈞安。

某某謹啓

月 日

○函請輔助國內航業

某某先生鈞鑒。遠隔

清儀。時殷翹企。比維

起居晏福。爲頌爲慰。茲聞

貴部對於國內航路。頗有計畫。洵爲近今必要之圖。某按中國航業上。有一線之希望者。約有三事。一爲太平洋航權。僑商創公司行駛。已見競爭之朕兆。二爲北滿松花江航權。東省人士。曾有設法挽回之議。三卽爲揚子江之上游航權。現有兩公司力圖進行。竊謂此三者之中。前二者難。而後者較易。且在我國商業之中心。關係腹地交通之便利。兩公司苟能奮其冒險之精神。盡力擴張。當可於中國航業史上。開一新紀元。某雖局外旁觀。然爲我國利權計。尙祈

貴部輔佐而護持之。是幸。肅此敬請

助安。

某某謹啓

月

日

○函告中國收回郵政權之朕兆

某某君台鑒。逕啓者。本月某日。此間英國郵政局。通告英國在華之郵政局。撤銷帝國一本土郵費之制度。並依照萬國郵政聯合會郵費定率。收取信件之寄費。此事實行。則英郵局不復與中國郵局競爭。誠可爲將來中國收回郵政權之初步。聞中國自加入萬國郵政聯合會後。曾請各國取銷在中國境內自設郵局之權利。就華人觀念言之。中國既依照外國辦法。設立郵政專司。則

自應有辦理國內所有郵件之權利。今英國已發茲通告。預料我國郵權不難與各國同一趨勢也。某恐尊處尙未知悉。故特馳函奉告。專此祇頌。

近祺。

某某謹啓

月 日

○函復交通特別預算之緩編理由

某某先生賜鑒。頃奉

惠教。聊慰闊懷。就諗

動定增綏。適符忻頌。承

詢交通緩編預算一節。緣該部之特別會計。與普通會計有別。倘不截清界限。一有混淆。則治絲益棼。更難整理。

該部自民國以來。年度時更。元年則繼承前清宣四之  
歷年制預算。嗣於二年改訂七月制。中間已空去半年。  
而四年下半年。又用歷年制。其四年上半年之出納。固  
已歸入三年度下半年中。而下半年則又分離而獨立。  
現在五年度之歷年制預算。施行未竣。又事改編。其更  
張情形。卽在事人員。亦覺其糾紛錯雜。故此事總須定  
一標準。庶辦理較有頭緒。且易於程功也。肅此奉復。祇

請

鈞安。

某某謹啓

月

日

○函覆因歐戰停辦鐵路之理由

某某先生鈞鑒。頃奉

手書。

垂詢某某鐵路停辦情形。其中理由。約有四端。自歐洲交戰以來。各國市場金融迫緊。發售此項債票。勢必至於虧耗。此其一。鐵路材料。每多購自外洋。近日物罕價昂。於法尤甚。此其二。海道梗阻。船舶稀少。運價昂貴。加戰時保險。所費尤鉅。此其三。外國來源既阻。本國出產。又不足以濟之。停工待料。事所難免。此其四。凡此皆足以使鐵路增加成本。虧耗資金。故與其迫切圖功。重人民之担負。不若稍待時機。杜國家之漏卮。時會所限。良非



得已。想

閣下老成持重。當亦以從長計議。而暫緩進行之爲是也。

肅復敬請

鈞綏。

某某謹啓

月 日

○函告鐵路搭收不兌現紙幣之難點  
某總長鈞鑒敬啓者。

貴部所定本鐵路收三成現洋。餘收不兌現紙幣之辦法。實與借款合同條款不合。因如此辦法。該路局不能按照借款照貼章程。備足行平銀兩。按月交與天津匯豐銀行。備辦金鎊。以爲應付借款之用。且查該路進款。每

月約一百萬元。若照現在辦法。每月祇得三十萬元。每月預備清還借款之數。約需十五萬元。每月薪工。約二十萬元。此外尚有行車各費。未在其列。似此每月虧短。勢必至不能應付爲止。某以職任所在。不得不反對該路收受紙幣之舉。故擬請

飭該路所有紙幣一概不收。因匯豐銀行不能照紙幣每日入收該局之賬故也。耑此奉達。立候

賜復。順頌

鈞祺。

某某謹啓

月

日

○答復鐵路運米免費之通融辦法

### 某某執事大鑒。承

商鐵路運送米糧。量予免費一事。查鐵路係營業性質。均有成本所關。且各有合同上之關係。全免運費一節。事實上頗難做到。此次重承

台囑。本部爲維持民食起見。除運價未便全免外。用再酌擬辦法兩條。一各米商如有大宗米糧運京。能確定大宗數目者。所有鐵路應行搭收現洋一節。准予特別通融。酌收紙幣。一各米商運京米糧。確係大宗數目。由商會担保經費。經

貴廳承認之安實商號。所有運費。准予暫行記帳。按月結

算。惟均須在各該路減收半費期內。以上辦法。尙希  
酌裁見復。以憑辦理。不勝公盼。此致順頌  
公祺。

某某謹啓  
月 日

●督軍

○賀督軍履任

某公麾下久別

英姿末由晉謁。頃披郵報。欣聽

佳音。敬審

榮膺簡命。

權領軍區。

裘帶雍容。戎闔壯山河之色。

旌旗焜燿。干城揚民國之光。驥首

台衡。傾心軒祝。某海上羈縲。流光虛擲。默觀時局。莫補涓

埃。惟念某省自共和恢復以來。新舊軍隊。亟待改組。得

公力任其難。一切當迎刃而解。以先慰該省人民之渴望。

而將來之頌德謳功。猶其後焉者也。馳書爲賀。不盡依

馳。肅頌

榮喜。敬候

勛祺。

某某謹啓

月

日

○函催督軍履任并先代表歡迎

某某先生鈞鑒。海上聚首。歡譙情深。判袂幾時。滄桑頓易。嶺雲江樹。結念爲勞。比奉京電。欣諭。

公任敝省督軍。聞命之下。距躍三千。敝省自獨立以來。大局雖幸無恙。而水深火熱。猶未能登諸衽席。我

公望重功高。治軍有素。對於軍隊問題。必能一切融洽。措置裕如。中央之令。實愜羣情。某省善後諸事。想猶未了。

惟望早日

籌結。尅期北上。此間父老。翹盼

旌麾。如大旱之望雲霓也。馳書歡迎。無任欽企。專肅敬頌  
勛祉。

某某謹啓

月 日

○答謝某督軍之函召

某督軍鈞鑒。遙睽

音采。時企

風儀。敬維

勳福。光昭。

聲華卓越。忭頌莫名。日昨某君持奉

賜書。

寵召還鄉。慚感無既。以

公偉烈。不遺菲葑。

虛懷雅度。並世罕儔。某自維蕪劣。無裨

高深過蒙

獎掖。亟思興起。顧頻年竄迹。牽率實多。會當擺脫一切。上承

鈞教。受塵爲氓。得所託庇。于願滋足。敢膺非任。敬布區區。并鳴謝悃。肅此馳復。祇叩

助安。

某某謹啓

月

日

○致某督軍述已對於省長問題之流言

某公節下。展誦前月

賜書。病中未能肅報。萬罪萬罪。我

公勵精圖治。百度維新。吐握之誠。度越今古。如某棄材。猶



辱

呵。疎。恐。皇。屏。惕。不。知。所。云。某。初。擬。秋。後。旋。里。摒。擋。家。事。冀。得。請。閒。展。謁。

起。居。不。意。烏。中。歸。來。道。路。流。言。多。謂。某。對。于。某。某。兩。省。省。長。問。題。有。所。冀。倖。谷。聲。杯。影。疑。幻。疑。真。此。種。謂。言。勢。難。徧。白。豈。知。某。近。三。年。來。精。神。之。我。死。已。久。矣。僅。僅。餘。此。未。盡。之。軀。殼。官。骸。借。以。修。持。懺。悔。不。唯。富。貴。功。名。久。不。幻。此。夢。想。即。平。日。文。字。學。術。上。之。嗜。好。亦。已。屏。除。殆。盡。今。乃。重。勞。邦。人。君。子。屬。目。注。意。致。多。揣。測。撫。衷。內。疚。更。復。何。如。故。爲。免。滋。物。議。計。一。俟。政。局。大。定。邁。返。鄉。閭。自。

當肅叩

崇轅。藉伸飢渴之私。

旌麾在望。瞻戀無窮。端牘馳忱。諸希

垂鑒。專肅。祇請

助安。

某某謹啓

月

日

○覆某督軍請其負軍事上之完全責任

督軍鈞鑒。頃據某縣公民代表來會報告。本月某日。該縣民軍。又與民團交鬪。且加之厲。常此不已。民命何堪。本會爲言論機關。此事純屬軍事範圍。未便妄有主張。貽譏越俎。矧臨時會尙未召集。遇事卽有所指陳。亦

不能作正式之建議。心餘力絀。徒喚奈何。我

公職任所關。責無旁貸。地方如此糜爛。諒切

痼癢。此次禍變。如曲在民軍。則某某宜負查究之責。如確

係土匪。則

貴署自有剿撫之權。雙方各有仔肩。諸事自無掣肘。倘再

延擱推諉。則養癰成患。誰執其咎。本會同人。對於地方

同其休戚。情急勢迫。緘口難安。撫循彰瘴。諒

貴署自有權衡。用貢區區。尙希

亮鑒。是禱。此上敬頌

勛祉。

某某等謹啓

月

日

○函辭督署秘書之職

某公座右頃奉

鈞教。

囑任秘書。聞

命之下。莫名感悚。竊某自維。謏陋無補。

高深。前蒙

委爲諮議。管蠡之見。尙可少効涓埃。茲復

任以秘書。孱弱之軀。尤難勝此繁劇。倘或不自量度。勉

強從公。得無貽誤事機。愆尤畢集。感深

知己。敢自惜其羽毛。才不若人。懼貽譏于覆餗。敬銘

大德。莫知所云。用掬區區。伏乞

諒察。專肅。祇請

勛安。

某某謹啓

月

日

○覆某督軍勿公決議員之資格及俸給

某督軍鈞鑒承

示擬以國會議員資格之釐剔。俸給之減裁。付之公決。某細思此舉。似未免待人過慮。蓋共和再造。何等艱難。人財兩端。咸知慎重。國會爲立法地位。議員本代表人民。凡五族百姓。實存福國利民之心。豈議院諸公。又貽濫竽好貨之誚。某以爲此次國會開會。議員諸君子。必能

善體民意。默察國情。於資格一層。如何釐剔。以副神聖之名。俸給一層。如何裁減。以紓經濟之困。定有一番大研究。大講求。斟酌至當。以滿全國人民之望者。我輩似無庸借箸代籌也。愚見如此。不知尊意以爲然否。肅此奉覆。祇請

勛安。

某某謹啓

日 月

○請督軍轉陳中央勿准總理辭職

某督軍鈞鑒。逕啓者。昨閱報載某總理近萌退志一節。敝會討論衆議。均謂某公自改革以來。維持內外治安。輯睦全國軍隊。厥功既偉。民望亦隆。際此瘡痍滿目。百廢待

舉外患方乘。內憂未已。補苴提挈。端賴老成。如任其息。影林泉。國民將奚所託。命應請電達總理。力任艱難。並呈大總統。勿任辭職。諒我

公當亦贊同此舉也。務乞

代爲轉陳中央。不勝幸禱。專肅。祇叩

崇安。

某某等公啓

月

日

●省長

○賀省長履任

某某先生閣下。久隔

擘輝。欽遲曷已。頃悉

榮膺疆寄。

統屬吏民。

展厚生利用之宏猷。

負遺大投艱之重任。

盡懷淵敏。頌生佛者萬家。

公望光昭。歌福星於一路。

鴻儀引領。覺忭莫名。某熱惱因人。平添客感。將來如得請

間。便當躬趨。

左右親領。

教言。藉抒積愆。臨風修牘。不盡馳依。專肅敬賀。



台禱。祇請

勛安。

某某謹啓

月 日

○陳請解決省制加入憲法之問題

大總統鈞鑒。頃聞議會主張省制加入憲法。官吏改由民選之說。某竊以爲不可。蓋憲法者國家之根本。一經制定。便當永遠遵行。若省制則須因地制宜。隨時損益。例如直督之有特別區域。蒙邊之設辦事長官。以及地方風氣之各殊。政治沿革之互異。似難勉強牽合。併爲一談。至任免官吏。爲

大總統特權。約法早有明文。豈容另生異議。故某某督軍等。

列陳八弊。實爲閱歷有得之言。絕無黨派紛爭之見。夫各私其地。各長其民。此土司時代之制度。非可施於文明之世也。南人歸南。北人歸北。此割據時代之謬言。非所語於統一之世也。值此共和再造。國步聿新。豈宜破碎支離。擾及全局。應懇我

大總統俯採羣言。提交院議。平心持論。據理折衷。本集思廣益之公。以收意美法良之效。民國前途。實利賴之。謹此稟陳。恭叩

崇安。伏乞

鑒核。

某某謹啓

月 日

○促請省長履新

某省長鈞鑒。前讀中央明令。欣悉我

公來長敵省。商民歡舞。咸慶得人。不意

駐節某城。履新無期。局外推測。莫得真象。惟現在敵省局勢。益瀕危險。義軍則編不勝編。匪風則日熾一日。加以中交兩行。紙幣停兌。金融異常恐慌。莫知所措。緣此謹具函稟。請求我

公尅日來省。接任視事。以慰民望。而持危局。不勝急切待

命之至。專肅恭請

鈞安。伏乞

垂啓。

某某等同啓

月

日

○請省長電達政府催復自治

省長鈞鑒。敬啓者。各級地方自治。自經非法解散。時越三年。民意抑鬱。今幸共和再造。日月重光。地方自治。實爲法治國精神所繫。省議會既經回復。各級自治。自應有聯帶之關係。况參衆兩院。業已議決。而政府遲遲未頒命令。實不足以饜人民之望。一轉瞬間。國會省會。行將閉幕。回復之期。更難希望。用特敬具公函。請求鈞座。電促政府。遵照約法執行。議決法案。以伸民意。而尊法治。是所切禱。肅此敬頌。

勛祺。

某某等謹啓

月

日

○函請省長主張劃分官產

某公節下。曩謁

鈞座承

示官產混括一節。已仰見我

公早有主張。何敢妄竊。茲因國家地方兩稅。既按照元二  
兩年之成案。復行劃分。則官產事同一律。亦當以國有  
公有爲標準。分清界限。且此項地方公產。卽在前清時  
代。亦向爲地方之收益。乃入民國後。竟有指爲國家之  
產業。支離牽混。實則於國家增此涓滴。初無大益。而地

方向來恃此爲學校或慈善事業之經常收入者一經驟失此款。實覺異常支絀。辦事困難已極。緣此敢請鈞座。乘此時機。力向財部交涉。仍照前劃分。以利益地方。

至紉

公誼。肅此恭叩

勛安。

某某謹啓

月

日

○函覆省長痛言忙漕限外加征之弊害

某公鈞鑒。拜誦

賜諭。謬蒙

獎飾。愧悚莫名。承

示忙漕問題。兩方棘手。自係實情。惟按限外加征。所以懲  
滯納。其性質屬諸罰金。不能視爲經常收入之的款。至  
如地方財政。當規其大者遠者。酌盈劑虛。開源節流。要  
自有道。若必賴人民納稅之滯。罰金之多。以爲挹注。世  
界萬國。無此政體。且我省胥吏慣技。往往於限期將屆。  
阻遏人民完納。而自爲包攬。不數日間。催科四出。旋取  
盈焉。故民間所輸滯納罰金之數。常浮於各縣報告之  
數。誘人入阱。而因以爲利。罔民之政。無過于斯。我

公眷懷民瘼。萬姓謳思。伏乞

勉爲其難。照省議會表決施行。以

溥利人民。而登諸衽席。不勝馨香禱祝之至。肅此奉復。敬

叩

勛綏。

某某謹啓

月

日

○請求省長力爭鑛產

省長鈞鑒。敬啓者。中央新借外款八千萬。由某國人包辦。不  
交院議。徑以某省銅鑛及我省鉛鑛。作酬謝品。某某胆  
敢列席簽字。并聞派人回省運動。如此喪心病狂。至可  
痛憤。該鑛爲我省財政命脈所關。幾經搖動。僅得保全。  
一旦由某手斷送。使我省萬劫不復。某肉不足食。如我  
省前途。何伏乞



鈞座。速與政府嚴重交涉。無論如何。必仗

鼎力抗爭。以求達到挽回之目的。是所切禱。專肅敬叩

勛安。

某某謹啓

月 日

○致省長請將水利工程經費列入預算

某省長鈞鑒。逕啓者。查直省河患頻仍。幾無寧歲。補綴相循。迄無良策。近數年來。節經中央主管各部局與

貴省長派員測勘。不絕於道。往復商榷。積極進行。亟思大加疏治。謀爲曲突徙薪。一勞永逸之策。終怵於事體重。大巨款難籌。年復一年。養癰成患。今幸政局漸平。省議會組織成立。應請

貴省長提出議案。將此項水利工程常年經費核以妥數。列入預算。以利進行而維永久。此係事實根本計畫。盼切查照見復施行。此致。祇頌。

日祉。

某某謹啓

月

日

○致某省長略述履勘運河之情勢

某省長鈞鑒。逕啓者。某昨奉命會商履勘運河情勢。擬擋出都展

教匪遙。良用企幸。運河流域一脈相連。合治統籌。本所素指。今茲實地勘察。攜同工程師測量等員。由台莊沿運南行。沂河流域及導淮入海問題。最與江北治運關係

密切。廢黃河鹽河及灌口尾閘現狀。尤所注意。途中父老惠教。謹將隨時延納。至寧之日。請由

公處召集會議。用集衆長。今日水利工程。已屬一種專門科學。事求質實。倍宜精詳。想蘇中明達諸公。必有良謀。共相籌策也。謹先布悃。敬企

南鍼。肅此敬叩

鈞安。

某某謹啓

月

日

●縣知事

○賀縣知事履新

某某先生閣下。久別

鴻儀喜傳

鵠報頌謠

榮膺花縣

吉履棠封

贊文化之革新

與斯民而更始

資厚生以爲利用。葺屋騰權。

治大邑若烹小鮮。禾章紀績。引瞻

芳範。曷罄蔡鋪。某故我依然。壯遊徒爾。旅居海上。自笑塵

勞。差幸恠安。上紓

塵注無奈

台暉遠隔。徒言蘭誼之寫藏。惟祈

尺素時頒。庶慰苔岑之契洽。專肅馳賀

犬禱敬請

勛安。

某某謹啓

月

日

○答言模範縣之辦法

某某先生閣下。昨由某君遞到

手教。臨風展誦。快慰奚如。藉諭

政通人和。

榮問休暢。良如所頌。承

示省長以某某縣爲全省模範縣。洵可謂考求治理。不遺餘力者。惟叩諸實際。與其特標一幟。於宦途中專注意一二繁富之區域。以矯枉而過正。無寧舉一般親民之官。胥量地勤求。使之有以明其責。而課其績之較爲有序。矧地理人情。財力習慣等。地各有別。安能以一特別之情況。而強使其他一概從同也。鄙見如此。未知執事以爲然否。肅復。祇請

鈞安。

某某謹啓

月

日

○請求破除知事迴避之現例

省長鈞鑒。敬肅者。竊維官吏迴避之例。創於隋而嚴於清。民

國初年上而長官。下而知事。本省人實居多數。其中雖不無流弊。而憚於鄉土。見聞之真確。束身自好者。亦復不少。至二年頒布任命官吏條例。始有迴避之規定。誠所以防親故之瞻徇。求知識之交換。至滇黔起義。乃大潰其防。雲貴兩粵湘川浙皖以及東三省。一切差缺。皆本籍人佔其數。內務部現有任用知事參用本籍人之文。交國會提議。亦鑒於大勢。不得不爾也。知事等或由考試。或由保免。本應遵照部章。豈敢有所希冀。但不平之鳴。盛世在所不禁。室家之逼。聖賢亦所不免。側聞省長曲體下情。無微不至。用是懇請。

鈞座。俯念宦游之艱阻。援湘浙川粵諸省現例。變通用途。咨明內務部。改留本省任用。俾知事等得以効馳驅於桑梓。供

採擇於大匠。實不勝感悚之至。肅稟敬請

勛安。

某某等謹啓

月

日

○函請縣知事整頓學校

縣長鈞鑒。謹啓者。某市高小學校。迭經省令停辦。措詞嚴厲。已無維持餘地。乃該校長某某。悍然不顧。猶敢奔趨鈞署。呈請維持。並四出運動多人。連名環請省長。收回成命。既昧乎部章之規定。又不服從長官命令。其失校長



資格已顯然無疑。應請

鈞座查照法定規例。立予懲戒處分。以儆效尤。而肅風紀。伏念刑賞黜陟。行政長官自有權衡。原無庸他人越俎問津。第以該校成立與否。關係國民學校經費不少。該校長依然抗違。有碍學界體面。亦至鉅。某等緘默難安。用敢一再進言。上瀆

清聽。是否即乞於日內

賜覆。是所至禱。專肅敬頌

勳祺。

某某等謹啓

月

日

○致省長請求免職

某省長鈞鑒。竊某前因親母病故。卽日電報丁憂。懇請免職。旋奉

鈞電示復。給假一月。並派候補知事某某代理。自應祇遵。豈容再瀆。惟某苦塊昏迷。罔知所措。徬徨反側。清夜難安。伏查民國法令。在職官吏。雖無丁憂開缺明文。然禮教爲世俗之大防。斷不敢藉口有資。自重罪戾。緣此仰懇

俯鑒微忱。准予收回成命。派員接署。以重職務。庶某得免爲名教之罪人。而苦塊餘生。皆出自高厚鴻慈之所賜矣。肅此馳稟。敬請

勳安

某某謹啓

月 日

○致縣署請查胥吏索費事實

某某先生鈞鑒。逕啓者。某日昨到縣。領取獎憑。據縣中人云。奉省飭准。每張需公費洋四角等語。聞之不勝詫異。事關提倡實業前途。不得不具函奉詢。以昭核實。衙門習慣。胥吏公役。不分公私。動輒要錢。本無足怪。第吾國工藝衰敗。漏卮外溢。國既不國。於是國貨會主持諸君。不惜以其寶貴之光陰。有用之金錢。犧牲於公益事業。卽此次賽會赴京。照料國貨之參考員。光陰旅資。莫不有若干之耗費。以盡國民義務。若國家官吏。衣食飯碗。皆

係人民膏血所供給。豈區區一紙獎憑之轉移。尙不願白手代勞。而索公費要四角之多。嗚呼。人民因公益而耗費。吏役因公益而得利。凡稍有良心者。決不出此。究竟有否此事。務請

迅速聲明。卽果有收費情事。亦望

詳省免除此等不正當之收入。以副政府提倡之實。是所至禱。肅此祇請

公安。

某某謹啓

月

日

○函陳革除摺墊之前提

縣長鈞鑒。昨者接誦

教言敬承。一是惟某忝爲地方代表。對於革除捆墊問題。尙有前提而必須籌及者。蓋欲糧戶之完賦。一律赴櫃投納。斷非一縣僅設二、三糧櫃。所能有濟。否則捆墊雖除。而鄉民之納稅者。輒須奔波數十里以外。食宿有費。舟車有費。其困累正與捆墊之弊害相等。愚見擬於各市鄉多設糧櫃。使糧戶就近完納。再由董保里長。按日總繳縣署。如此辦法。官民兩方。均較爲便利。務請縣長採擇施行。無任禱幸。專肅敬頌。

勛祉。

某某謹啓

月

日

○函請詳報實業行政經費

某某先生鈞鑒。敬啓者。實業行政。關係國計民生。我縣實業。迄未十分發達。推原其故。無確定之經費。以維持其後。現聞省議會議決。應令各縣將實業行政經費。先行規定。以便列入明年預算。某等上年創設之農業試驗場。雖由各界捐資倡辦。其實爲地方一種公共之實業務。乞

貴署據情詳報。每年酌撥經費若干。俾有補佐的款。不致輟於半途。至綏

公誼。專此祇頌

鈞祺。

某某等謹啓

月 日

●軍警界

○賀軍界授職

某公麾下前謁

戎旌幸親

英采頃傳吉報。藉釋私衷。恭諭

秩晉冠軍。

榮遷高旆。

任千城之上選。

展武庫之雄才。

鞏固國防。虎豹在山而藿藜不採。

激揚士氣。龍蛇出匣。則星斗皆驚。引睇  
光儀。莫名怵頌。某學劍未成。已銷豪氣。

祖鞭先著。愈益欽遲。當此國基未固。外患交乘之時。得折  
衝禦侮之材。如我

公者。不但足以保障共和。行且爲國家後盾。而馳  
譽於武裝之世界也。肅此敬賀

大禧。祇請

助安。

某某謹啓

月

日

○賀警界授職

某某先生座右久違



駿範時切馳思。昨披郵報。欣悉

執事職管省區。主持警政。

樹保安之德望。

振法治之精神。

績著清鄉。社會咸蒙幸福。

聲稱轄境。民商合頌勤勞。企望

吉暉。曷勝忭躍。某懷鉛終歲。乏善可陳。惟竊幸舊日朋簪。

本所學濟所用。先爲國家代表之法人。以發其軼。而前

途進步。固未可限量也。肅此馳賀。

榮禧敬請

公安。

某某謹啓

月

日

○陳告收束軍隊後卽行北上

國務總理鈞鑒。某昔在京師備承

教誨。

公門回首。瞻瞻不忘。年來遠道睽隔。不獲親承

德範。惟是戀慕之忱。未嘗一日去懷。入粵以來。迭遭事變。

蒙

鈞座維護備至。

訓誡頻頒。下逮將士。莫不同深感激。至某處被迫情形。曾

經據實陳明。不意轉遞貽誤。竟未上徹。

聽聽。遂致內外隔闕。事變紛乘。耿耿愚忱。益增罪悚。惟仰  
維

盛意。自願樛材。誠恐憂患餘生。無以上報國家。下酬知遇。  
現在所部軍隊。業經遵

令停止。以圖收束。追念去國以還。旅茲累載。亦冀事定之  
日。重入國門。恭謁

台階。面申積悃。雲天瞻望。神與俱馳。肅此稟陳。恭叩  
勛安。

某某謹啓

月 日

○請派軍隊彈壓地方

某某先生麾下。遠隔

台旌良殷翹企敬維

泰履凝床

師貞協吉。慰符下頌。茲啓者。昨據某某地方呈報。某省邊境土匪。刻將竄入該處。民商一夕數驚。情形至爲危迫。所有原編警隊。力薄恐不能支。爲預備緩急計。惟

貴部距離該處較近。請卽

撥派軍隊兩營。馳往鎮懾。想彼烏合小醜。聞有

節制之師。當必相驚失色。遠遁而不敢撓鋒也。事既關乎

公誼。望更切於

同袍。至該軍隊駐紮後。尙希隨時

賜示情形。是所切禱。專肅奉懇。卽頌

捷安。

某某謹啓

月

日

○函報出防情形

師長麾下敬肅者。日前親承

指令。率隊登程。於某日行抵防所。當卽察度該處形勢。衝  
要。擇其最爲行軍必爭之地點。分隊駐紮。目下布置已  
妥。每日勤加操練。以免疏虞。所有軍民感情。亦頗融洽。  
堪慰

廬注。惟子彈缺少。前已面陳。務懇

速爲籌解。並希

時示機宜。無任盼禱。肅此馳報。敬叩

崇安。

某某謹肅

月

日

○函請籌撥餉款

某某先生閣下。某日郵布一函。想已上達

典籤。比維

景福時申。

勛華日楹。式如下頌。茲懇者。敝營積次薪餉。業經三月有餘。空言慰藉。實難支持。若不速籌放給。恐行軍命脈。日瀕於危。萬一全體解瀆。誰執其咎。緣此迫乞

尊處。提前設法。先行撥解若干。以救眉急。而安軍心。情同

望澤。佇待。

垂俞。專此馳達。祇請

鈞安。

某某謹啓

月 日

○函陳剿匪情形

軍長麾下敬肅者。某奉某日

鈞諭。當卽拔隊馳抵該處。不意該匪胆敢列陣抗拒。始則寡不敵衆。幾爲所困。旋由某急令騎隊繞出。兜攻匪後。我陣又復奮勇突進。肉薄相持。約四小時。匪勢披靡。四處逃竄。現正派隊跟踪追剿。務絕根蘖。以免延及他方。所有我軍傷亡。以及陣斃人犯。奪獲馬匹槍枝等情。概

俟查悉。開具冊報。另呈

察核外。先行馳報。上慰

廬注。肅此祇叩

崇安。

某某謹肅

月

日

○函復願解軍權。以免謠惑

某某先生偉鑒。拜讀

教言。感慚交并。敝省內亂。已非一日。某省長兼膺督篆。衆情翕然。某爲軍人。服從命令。乃爲天職。業於某月某日。某督軍未到任以前。將護國軍總司令自行取消。所部軍隊。力事縮小範圍。以待編制。當此賢明主權。治教尤



隆。某報國無力。服農有願。一俟收束就緒。自當棄甲言旋。以抑愆尤。惟前以主張正誼。開罪小人。謠啄紛滋。聽幾可羨。然公是公非。日後自有定論也。愚惻區區。伏冀俯察。肅復敬請

勛安。

某某謹啓

月

日

○覆訴軍人干政之嫌

某公鈞鑒。承

示各節。仰見我

公老成謀國。慮遠思深。莫名欽佩。某平日宗旨。但知擁護中央威信。維持本省治安。恪守範圍。無或逾越。前此各

省通電。附列銜名。實見國事之安危。繫於賢奸之進退。  
結舌緘口。心有難安。仰荷

訓箴。曷勝惶悚。惟愛國之念。始終不渝。耿耿此心。差堪自  
慰。

鈞座鑒空衡平。諒必仰蒙

明察也。肅復恭請

勛安。

某某謹肅

月 日

○函述警察廳三週紀念會之成績

某某先生賜鑒。久未趨談。思與時積。近維

動止咸宜。爲頌。某日前承某君函召赴蘇。參觀警察廳紀

念會該會秩序之佳。來賓之盛。猶爲餘事。其最足令人稱賞者。於閱兵式。走排兩種後。所演雜技。如刺槍、柔術、拳術、劍術、柔軟術、體操、跑步、變排、螺絲操、跳高、跳遠、腰刀、腰盾、皮條、杠子、鞦韆、全體動作、化裝等項。實能於偵探術上。及體育上。別開一生面。並非若我縣警察。方具雛形。便詡爲成績可觀也。茲特呈上。該會攝影幾種。至祈

查納是幸。專此順請

台安。

某某謹啓

月

日

○函復不能寬貸迎神賽會之犯禁者

某某先生台鑒。頃奉

手教。實難勉遵所囑。緣迎神賽會。最爲惡習。非徒虛擲金錢。且人數衆多。尤易肇禍滋事。敬署有維持地方秩序之責。自應查照歷來辦法。從嚴查禁。不意某鄉業經曉諭禁止在案。乃某某等仍敢爲首倡行。其蔑視法紀。至可痛憤。此次拘案懲究。實爲敬署職權所當然。如若寬貸。難儆效尤。有方

台命。尚祈

鑒諒是幸。此復。卽頌

台祉。

某某謹啓

月

日

○函告巡警有整理交通之職權

某某先生鈞鑒。逕啓者。我國路政不修。久爲外人訕笑。以故通衢大道。不准安置障礙物件。爲警律所規定。整理交通。尤爲巡警應有之職權。此次某商店。因將排門堆置路上。崗警禁止不服。以致小生齟齬。業經分別處罰。和平完案。惟敝廳有維持社會秩序之責。不能因執行之阻力。遂事放棄。尙祈

貴會通知各業商。嗣後務須各自尊重資格。顧全公衆利益。毋再蔑視警律。以身試法。是所至禱。專此祇頌

台祺。

某某謹啓

月 日

○覆言警察區所應各負責任

某某君台鑒。某日來

函已悉。查區所之設。原爲輔佐警察行政機關。按照定章。自應各負責任。方收駕輕就熟。事權合一之效。而禁煙一項。爲國家要政所關。苟證據確鑿。應卽一體由區逕送司法。毋再送廳。以免多費無益之周轉。至尋常違警各案。爲區所專責所在。亟應整頓。各振精神。嗣後遇有違警案件。應先由區所預審。依律卽決。按日按月。造報考核。如果案情支離。及情節較重。或不服判決時。仍送所訊辦外。其因細微。可以卽決之案。勿再仍前解送。以

明責任而免訟累。但亦不得粗率從事。防礙職權也。此復。順頌。

公祺。

某某手復

月 日

○函請撥派警士保護商民

某某先生閣下。仰欽

德望。積有歲時。側聽

風猷。益增嚮往。敬維

政祉。翔華。

禔祺。涪。式符下頌。茲肅懇者。敝處新舊繭行。約有十餘家之多。地方遼闊。守衛難周。一屆開秤收繭。銀元裝運。

絡繹於途。商民具有戒心。應爲先時之防備。預計下月初旬。卽爲蠶汎正旺之時。務乞

貴署酌撥警士。按地分駐。以保商務而免虞虞。屆期卽祈察奪施行。并希

賜覆是禱。專此祇請

鈞安。

某某謹啓

月

日

### ●通用啓事

○賀大總統就職

黎大總統鈞鑒。我

公繼任總統。佳音所布。萬姓臚歡。念自共和締造。禍亂侵



尋風雨飄搖。人有覆巢之懼。邦基阨臬。誰爲大廈之支。  
喜民意之有歸。允天心之向順。我

大總統望隆中外。

名並岳嵩。

抱彌綸區宇之才。

具旋轉乾坤之力。曩昔

起師鄂渚。還黃漢之河山。今茲

正位燕都。煦絳霄之日月。重延國脈。再造神州。滿藏蒙回。

已隱消夫異志。東南朔。願環拱若衆星。慰兆民喁望。

之殷。奠百世久長之業。普天同慶。向日傾忱。謹申叩賀。

伏頌

崇綏

某某肅上

月

日

○賀副總統就職

馮副總統鈞鑒欣聞

賈膺隆選薄海歡騰。民國前途合邀幸福。敬維我

公砥柱中流。

旬宣南服。惟

殊勳之懋建。遂羣望之咸歸。萬派朝

宗。衆星拱

極。際茲

龍虎風雲之會合。足徵畢箕好惡之大公。從此

鞏固共和。

主持法制。仰

揆文而奮武。喜

壽國以康民。黃炎子孫同食

公賜。景瞻

吉座。額手無任。肅此敬賀。恭劬

崇安。

某某謹肅

月

日

○賀國務總理就職

國務總理鈞鑒。頃悉

總揆一席。已經國會同意。爲國爲民。同深慶幸。溯自政綱  
失墜。國本漂搖。扶危定傾。端賴

柱石。今幸

鈞衡攸屬。足徵輿望所歸。從此

宏濟艱難。慰四海來蘇之望。

與民更始。奠萬年不拔之基。某翹首

雲天。莫名鼓舞。謹申賀頌。無任依馳。肅此恭敬

勛綏。

某某肅上

月

某

○賀各部總長通過兩院

某部某總長鈞鑒。頃閱京電。敬悉

台座總長某部兩院一體贊同。此實吾國前途大慶。非爲一人私幸也。當此奠定國基。萬端待理。

式宏遠略。邁古鑠今。五大族人民。行將仰邀福利。而謳頌莫名焉。敬抒賀忱。不勝歡忭。馳企之至。專肅

祇請

崇安。

某某謹叩

月

日

○賀鎮守使履新

某某先生鈞鑒。南北睽違。徒勞驥企。頃傳京電。欣諭

喬遷駐節。

坐鎮名區。資

駿望以匡時歌

鷹揚而著績

旌旗焜耀領州郡之全軍

裘帶雍容膺干城之上選

樺輝遙景藻頌莫名某自慚文弱空抱雄心雖有時紙上

談兵終無濟於實事側聞我

公作巖疆之重鎮總扼要之兵權行見

名下定無虛必可爲書生吐氣也肅此馳賀敬請

勛安

某某謹啓

月

日

○賀道尹履新

某某先生閣下。鵝瑄頻更。

魚函光賁。聽好音而增忭。彌遠念以馳思。就諗

吉叶鴻達。

允孚駿望。

司分疆之職守。

倡屬部之循聲。

瞻帷耀日。四民合頌神君。

繡斧宣風。一路同呼生佛。引瞻

芝範。曷罄葵鋪。某株守依然。薪勞加劇。現任某某校務。雖

云成績略有可觀。而襄理乏人。實覺不勝其苦。以視

執事之一麾出守。譽望隆隆。其榮瘁誠判若霄壤也。專肅  
奉賀敬請

鈞安。

某某謹啓

月

日

○賀縣知事到任

某某先生閣下。正企

芝儀欣奉

蘭訊敬諭

吉符福履

榮篆名區

宣文化而風行



表德猷以日懋。

本割雞之妙手。譽滿花封。

擅馴雉之長才。愛留棠舍。引瞻

光霽。曷罄忭私。某息影家園。無可陳述。惟幸粗健。堪慰

塵垂。聞某縣事頗煩劇。雖云分科辦理。究賴一人之主持。

好在

執事才具優裕。治大邑若烹小鮮。不過藉此爲發軔之開

始也。肅此上賀。

榮禧敬請

台安。

某某謹啓

月

日

○賀授勳位

某公鈞鑒。啖侍積時。莫名驥企。頃閱京電。欣譔

位授元勳。

庸酬特典。表

偉人之駿烈。羣欽柱石於一時。紀

開國之鴻猷。合應鑄金於萬世。引瞻

碩望。五族騰懽。某碌碌如恆靡。可陳述。叨享共和之幸福。

愧無建白於國家。想

故人當不嗤之以鼻也。此間聞

台旆南來。各界已擬開會歡迎。以慰渴慕。何日

光降。尙希

惠示是禱。肅此馳賀。敬候

助綏。

某某謹啓

月

日

○賀授大綬寶光章

某某先生閣下。溯揆

光霽。時切心翹。頃聞我

公以再造民國之奇庸。

享一等勳章之特報。

功成名世。合五族以謳思。

望重偉人。歷千春而紀念。驥覘

吉曜軒舞神馳。某自漸鉛鈍。跽伏無聞。惟冀舊日  
朋簪。乘此時機。實行利國福民之政見。則某亦受  
賜同深。感戴莫名矣。專肅叩賀  
崇禱。祇請

鈞安。

某某謹啓

月

日

○賀得嘉禾章

某某先生閣下。久違

鑿教。喜聽

蜚聲。頃謠

光昭茂槩。

章錫嘉禾。

德既表乎中和。

庸宜酬以異數。企

佩玉式金之雅度。際會風雲。欽

垂穎含秀之隆儀。光增日月。翹瞻

吉喬。曷勝揜揚。某薄植菲材。慚無建設。辱承

謬愛。尙祈

時錫南鍼。俾自奮勉。他日或可幸附

驥尾。圖報涓埃於國家也。肅此上賀

榮禱。敬請

勛安。

某某謹啓

月

日

○賀得文虎章

某某先生座右。判袂年餘。恒懷

光霽。頃傳郵報。欣諭我

公以炳麟之茂績。

膺文虎之華章。仰

偉望而無雙。宜

榮酬以異數。

輝增帶礪。造成茲鞏固山河。

功紀旂常。卓立乎武裝世界。欽遲

吉曜。忭頌莫名。某自恢復共和以後。旋即解散軍隊。歸里養疴。惟現聞帝制遺孽。頗有餘燼復燃之勢。尙希執事擁護中央。預爲武力之後盾。萬勿遽釋軍權。是所切禱。肅此馳賀。

大禧敬請

助安。

某某謹啓

月

日

○賀得獎敘

某某先生閣下。自別京華。良殷馳系。

喬輝在望。

吉語傳來。敬謹

慶洽升庸。

榮邀異數。

公才公望。昭物望於圭璋。

懋賞懋官。爲羣倫之冠冕。翹覘

芝範。曷旣葵揄。某魚鹿頻年。愧無表見。現擬在社會上略

盡義務。惟苦各界具有常識者恒少。難於積極進行。尙

祈

執事惠我箴言。以匡不逮也。專此肅賀。

榮禧。祇請

助安。

某某謹啓

月

日



○賀得薦任

某某先生閣下。睽隔

光塵。莫名驥企。頃披公報。欣獲

佳音。敬審

榮膺鸚薦。

奮翼鵬搏。

崇階超擢。行看盡畫之措施。

上級剡登。尤慰蒼生之喁望。遙瞻

華喬。無任欽遲。某頻歲羈縲。勞人自笑。現仍作新聞記者。

以遣光陰。然恃賣文爲生活之資。終無了局。倘或遇有

機緣。廁身政界。當不致以不舞之鶴。貽誚一時。尙祈  
執事注意及之。肅此叩賀。

大禧。祇請

鈞安。

某某謹啓

月

日

○賀得升遷

某某先生鈞鑒。昨奉

手翰。感荷

注存。敬謹

慶叶。鴻遠。

遇隆。鵬運。

公才卓越。方欣舊澤之深滋。

峻秩超遷。又仰新猷之宏布。景瞻

吉座。忭頌奚如。某迹類轉蓬。乏嘉足述。惟幸職務雖劇。健

可任勞。堪慰

眷垂。同事某君。擬於下月初旬。約伴旅行。屆期定當繞道。

一謁

台端。縱談積愫。想

故人當不以迂疏見棄也。肅此奉賀

榮禧。祇請

助安。

某某謹啓

月

日

○賀剿匪得捷

某公麾下敬肅者。前以鷓鴣張肆逆。久熾黨氛。頃聞

虎旅過征。逖傳

捷報。當羽檄交馳之際。聽鐃鑼奏凱之聲。覘天日以愉忱。望雲霓而額手。

奇謀運掌。早制勝於帷中。

上策攻心。斯成功於閩外。

戟轅驚鼓。籥頌驩騰。某自愧幹材。未遑磨盾。有懷武略。同

切止戈所期。

弧宿揚輝。甲兵河洗。却喜彗星熄燄。丁壯山呼。爰肅寅丹。

虔熏子墨恭賀

大禧敬敏

勛綏

某某謹肅

月

日

○辭勳位

大總統鈞鑒。頃傳京電。始悉

寵典下頒。授以勳位。某人斯膺此

懋賞。聞命之下。感悚莫名。伏念我

大總統。設好爵以獎有功。錄微勞而勸天下。本無過舉。一

秉大公。惟某自愧庸愚。羌無表見。雖有時對於國家。偶

效奔走。究亦國民份子之天職所當然。倘緣此而遽叨

非分。在私心則懼濫竽之致咎。在公義則恐名實有未符。再四思維。惟有仰懇。

收回成命。俾某獲藏鳩拙。暫遂鴻冥。蓋此日之酬庸。實虞隕越。而後茲之圖報。當竭涓埃。言乃出於至誠。情非故爲矯飾。萬望。

俯如所請。以免貽誚。而安愚忱。無任幸感。肅稟上瀆。恭叩  
崇安。  
某某叩上  
月 日

○辭顧問

大總統鈞鑒。昨承

手諭。

獎飾逾恆。併以高等顧問相屬。

執事仁慈。涵蓋萬方。

憂國至誠。天下共見。某雖術慝匡濟。志匪隱淪。况在艱屯。

之秋。實有風雨同憂之誼。豈建設之方始。而芻蕘之不

供。但使國家有事。謀及庶人。某必竭其愚慮。以裨

高深。至於

前席隆禮。顧問鴻號。受者不無短絀之愧。評者或有尸餐

之譏。敢請

鑒此悃誠。

收回成命。臨風緬想。無任屏營。肅此祇請。

鈞安。伏祈

垂鑒。

某某謹叩

月

日

○辭職務

某公座右敬贈者。辱承某日

鈞諭。任某以某某職務。感激之餘。益深悚歎。竊某以一介庸愚。謬邀

知遇。倘不自揣。祿位倖叨。不但某恐貽隕越之羞。招素餐之謗。而於

鈞座知人之鑑。亦未免有損

清光。況當共和再造以來。政潮方劇。如某不才。乃亦墮入



旋渦。未有不立見失敗者。思維再四。與其貽誤於事後。何如乞免於當前。尙祈我

公舍其驚駭。而別求騏驎。及學養稍優。經驗略增。再當圖報於他日。決不敢貪安暴棄。自外

生成也。肅此上瀆。敬叩

崇綏。伏惟

霽鑒。

某某謹肅

月

日

○通候京官

某某先生閣下。瞻言

階祀。迥若雲霄。每憶

光儀良殷。馳系敬維。

縵褊輯慶。

茵鼎延釐。

宣鬯豐猷。爲中央所倚重。

彌謨新政。允衆望之欽遲。引企

標輝。曷勝藻頌。某浮沈外省。忽已三年。自愧菲材。無可陳

述。伏念

執事供職京華。列居清要。下視風塵俗吏。奚啻天淵。此後

倘有

卓見。足以裨益行政者。尙希

惠賜教言。以資先導。至爲感禱。肅此布候。祇請

勛安。惟祈

荃照不莊。

某某謹啓

月

日

○通候外官

某某先生閣下。南北睽違。恆懷

鴻範。每晤來京諸友。輒道

使君善政。冠絕時流。從知

文化風行。仰福星於一路。遙想

循聲日著。歌生佛者萬家。引睇

喬雲。曷勝欽頌。某服務燕都。自慚鳩拙。當此政潮暗鬪之

時既難定何從而何去。且莫辨誰毀而誰譽。宦海滔滔。令人感歎。

貴處近狀。想當治安。秋稔如何。政費尙可敷衍否。均在念中。尙祈

公餘惠復。以慰馳系。是所切盼。肅此布候。敬請

台安。諸惟

激照不備。

某某謹啓

月

日

○通候鄰省

某某先生閣下。驥企

風猷。尙稽音敬。恭維

泰階集慶。

鼎座延釐。

萃停峙之精英。文經武偉。

展澄清之素抱。吏肅民懷。翹景

鈞衡。莫名欽頌。某軀材自愧。重寄驟膺。撫疲瘠之邦。冰淵

常惕。任劇煩之職。表率無方。所望

東壁分輝。

南鍼時錫。仰荷

同人之誼。深感既濟之功。專肅敬請

助安。統祈

荃照不宣。

某某謹啓

月

日

○通候鄰縣

某某先生閣下。曩趨省會。早仰

光塵。箋候雖疏。欽遲已久。敬維

循聲遙駿。

善政延鴻。

本杼柚之長才。治孚製錦。

布絃歌之雅化。縣盡栽花。景企

台暉。莫名忭頌。某自慚謏陋。謬任劇煩。以迂疏無濟之材。

蒞軌轍未經之地。尋維表率。益切悚惶。所幸邇託

德鄰諸叨

煦照冀

周行之頻示。庶窳步之無虞也。專肅祇請

勛安。惟祈

亮譽。

某某謹啓

月

日

○通候同官

某某先生閣下。久思御

李。未遂瞻

韓。仰止

棨輝。彌殷葵向。比維

聲華卓越。

勳福光昭。爲頌爲慰。某以蠹陋之材。不自揣量。忝膺艱鉅。良虞汲深綆短。難免覆餗之譏。

執事蒞茲已久。於地方一切情形。想均瞭如指掌。所望

推同舟共濟之誼。

予馳驅先導之規。引覘

光霽。不盡依馳會晤匪遙。先肅布悃。敬候

台安。諸惟

亮。警不宣。

某某謹啓

月

日



○通候士紳

某某先生閣下。久耳。

英名未親。

雅教。私衷嚮慕。莫罄言宣。敬維

表率粉楡。

賢勞社會。引瞻

德皇。無任欽遲。某猥以輕材。膺茲劇任。對於地方之風俗

民情。多虞隔膜。致悞事機。尙希

不棄愚庸。時以直質之言。推誠相告。用

匡不逮。而免歧趨。至爲盼幸。專肅布臆。祇候

台安。惟祈

垂鑒。

某某謹啓

月

日

○謝給勳章請代轉呈

某督軍鈞鑒。竊某奉本月某日策令。給予三等嘉禾章。恭承之下。感悚莫名。伏念某自愧幹才。歷年奉職。忝一道蕩函之寄。鵜服滋慙。讀兩歧麥穗之歌。鴻規莫繼。乃際考績之典。猥蒙寵賚之加。金錯銜輝。光照允宜於左右。青箱表德。中利喜驗於華新。自顧何人。膺茲懋賞。對此含秀垂穎。時期百穀之用成。敢云佩組飄裾。妄冀五章之幸致。惟有矢勤矢慎。黽勉厥職。以仰答高

厚鴻慈於萬一耳。所有某感激下忱。伏懇

鈞座代陳。不勝禱幸。肅此祇叩

崇安。

某某謹肅

月 日

○謝奉簡任請代轉呈

省長鈞鑒。竊於本年某月某日奉 策令任命某爲某省財  
政廳長。聞 命之下。莫名欽感。伏思某樛櫟庸才。風塵  
轉宦。年方強仕。乃破格而躋專司。時值艱危。適承乏而  
權計政。雖切靖共於爾位。每虞顛覆於輔車。廼膺

簡命。遽荷

眞除。踳跼難安。奉揚敢墜。查某省頻年

災。稜杼柚已空。本非綜核之才。彌切冰淵之懼。惟有秉

訓司農。懷羔羊素絲之節。承命省長。求則壤成賦之方。所有就職日期。及感激微忱緣由。伏懇

鈞座代呈。至爲盼幸。專肅恭叩

勛安。

某某謹肅

月 日

○謝上官委任

某公座右。睽違

鈞侍。慕戀正殷。日昨忽奉

手札。併附委任狀一件。祇領之下。感激莫名。某孤寒下士。

樛櫟散材。乃荷

垂青。謬加賞拔。撫衷自問。竊愧倖叨。顧念茲非常之

知遇。敢不矢勤矢慎。力策駑駘。以圖報稱於萬一。現已將

此間各事。趕辦交卸。預計下月初旬。當可遵

諭赴新。不致疏忽。知關

厘注。肅此上陳。敬敏

助安。伏惟

霽。啓。

某某謹肅

月

日

○謝上官照拂

某公鈞鑒。日前晉謁

崇階。親承

清誨。中藏感戀。靡可名言。恭維

節閣綈燴。

鈞樞曼慶。慰符下頌。某猥任屬縣。幸托

仁幘。自顧駑駘。何足仰邀。

青睞。乃

篤可因材。既遂小草從風之願。而躍方在冶復叨

洪爐點雪之神。凡茲

寵加。無任感戴。嗣後惟有力磨愚鈍。倍矢慎勤。以圖報

垂眷之盛意。

膺門在望。不盡依馳。專肅布懷。敬叩

崇安伏祈

齊照。

某某謹肅

月

日

○謝薦職務

某某先生賜鑒。正懷

舊雨。忽降

朶雲。就諭

鼎祉。咸穌。

履祺晉鬯。慰如所頌。承

示推薦某某機關之職務。已達目的。寸衷感激。靡可言宣。

某頻年侘傺。涸鯽自憐。乃蒙

故人不棄。

竭誠獎借。俾散材薄植。亦復欣欣而向榮。嗣後得有活潑之機緣。莫非

足下所惠賜。現擬於望後束裝。晉謁某公。當再以所得情形。隨時奉報。以慰拳注。肅此布復。敬請

台安不一。

某某謹啓

月

日

○謝代策畫

某某先生閣下。展誦

手書。備承

指教。私衷感佩。莫可名言。某才識迂疏。一遇困難問題。便



覺茫無主持。難於解決。今玩

偉策。昭若發蒙。雖於某方不無所損。然彼既不顧道德。率性抗爭。則我爲自衛計。按之良心上。亦可告無愧。事已實逼處此。當卽遵

示布置。以爲對付之前提。倘有疏虞。尙乞

撥冗資臨。再籌後盾之方也。肅此鳴謝。敬請

台安。諸惟

亮。啓。

某某謹啓

月

日

○謝代園融

某某先生閣下。頃奉

覆函敬悉借重

魯連之事已承

婉轉疏解。可以融洽於無形。感佩感佩。某生性率直。凡事苟利於國家。遂即主張進行。不虞及他方之抵觸。此事之前。實未與某公晤商。故無怪其誤會理由。意圖反對。某倘不設法轉圜。匪特彼此徒傷感情。且於時局前途。大有關礙。幸仗

鼎力疏通。某公已毫無意見。從茲贊同辦理。獲有成績。可觀。莫非受

執事之賜。而某經此一番挫折。亦多一番歷練矣。肅此申

謝祇頌

台祺。惟祈

荃譽。

某某謹啓

月 日

○託函謀位置

某某先生惠鑒。久稽箋候。自愧塵勞。比維

弗履霞升。

蕃祺日朗。至爲企頌。某頻年奔走。徒悔蹉跎。屢思息影於  
家園。恨乏養生之恆產。加以八口累我。宿逋逼人。鬱鬱  
久居。安能了局。因思

閣下職居重要。用人之處必多。卽或託

說項斯亦易爲力。無論如何。務祈

垂念舊雨。謀一枝棲。某因知共和恢復以來。行政經費。尤

爲困難。但某素自愛。並無奢望。諒爲

閣下所深悉。不難就範。而勉効馳驅。特

愛瀆求。竚待

賜復。肅此奉懇。敬請

勛安。

某某謹啓

月 日

○託間接吹噓

某某先生閣下。違

教積時。殊深馳系。辰維

秦躬輯豫。

熙履綿祺。慰符所頌。某到某省後。晉謁上峯。雖經幾次。而委任消息。迄今闕如。蓋由仕途擁擠。人浮於事。必須要津推挽。始可得力。而前提刻聞上峯。與某部某公。及某某政客。交誼均厚。且有密切關係。務懇

執事費神。代求一說項之書。定當立見效力。好在某某兩人與

執事素有感情。閒託吹噓。想可如操左券。某現爲境遇所迫。並非效尤鑽營。倘得

鼎力扶持。達到目的。受

賜實深。不情之請。尙希

從速賜復。至爲盼禱。肅此奉託。敬請

台安。

某某謹啓

月

日

○託薦舉人材

某公偉鑒。自別

駿儀。時殷驥企。敬維

匡襄時局。

宏濟艱難。

建百級之春臺。羣倫快躋。

敞萬間之夏屋。士類懽騰。引領

樺輝。傾心藻頌。茲有某某者。孤寒獨立。品學兼優。必需援手於寸階。始得揚眉於尺地。某叨承

雅愛。代懇

鴻施。伏冀

假以羽毛。

噓之口角。倘從此點晴潛室。龍定破壁而飛。知將來振翮

千霄。鳥亦銜環以報。專肅奉懇。祇叩

鈞安。惟祈

遴鑒。

某某謹肅

月

日

○託推情關照

某某先生鈞鑒。遙隔

光塵。久疏音敬。辰維

鈞樞。緝帖。

禱履凝綏。爲頌爲慰。茲有懇者。友某某。由考試合格。分發某省任用。其人品端學優。某所素悉。惟性情戇直。不喜逢迎。於交際上未免時有缺點。想

執事當察驗屬員時間。伊人概略。早在

洞鑒之中。尙希

推愛垂青。棄其短而錄其長。俾得脫穎而出。免困窘鄉。不徒親受



知遇者。當竭誠以報。卽某亦感激

雲情於無既矣。專肅奉懇敬請

助安。統祈

愛照。

某某謹啓

月 日

○請任秘書

某某先生閣下。曩晤

鴻儀。親承

塵教。

奇才偉抱。欽佩無任。某自就職以來。力小任重。時懷叢脞之虞。加以事機屢變。手續益繁。雖有某君代筦筦記。而

勉力支持。現亦情見勢絀。意欲借重

高賢。屈司秘書一席。倘蒙

俯俞。則一切案牘。賴有

枚工馬速之才。不但肆應而無窮。且可出奇而制勝。某雖

不敏。亦樂得朝夕優游。願安承

教矣。情深藏寫。望切

道周。拂拭以遲。野盼

光降。專肅敬請

道安。諸惟

亮。啓

某某謹啓

日

日

○請任統計

某某先生閣下。闊別

光音。瞬將半載。前晤。令親某君。曾託代詢

起居。併懇致敦聘之意。未知已達

尊聽否。某以幹材而司財政。愧無成績之可言。刻下省議

會。促交本年度預算。而各種檔冊紛繁。頭緒錯出。原有

司事諸人。均苦茫無措手之處。因思

執事計學素嫻。又復才長心細。久爲政界所推稱。倘得

借箸以代籌。則事雖煩劇。定當

措之而裕如。某現已拂席以須。務祈

屈駕賁臨。

力助一臂。不勝盼禱之至。專肅奉請。敬候。

台綏。統惟。

亮警。不莊。

某某謹啓

月

日

○答允設法

某某仁兄台鑒。別後正殷馳系。接奉

手書。就諗

動定增綏。慰如所頌。承

囑設法之事。某深知

足下近狀困難。實逼處此。並非慣於鑽營者可比。某公八

行。刻已繕就付郵。某老現因政黨風潮。未遑旁務。竅得  
間時。乘機要求。諒亦可達目的。惟某雖不才。對於政界。  
從無運動之可言。此番間作曹邱。實爲國家增一賢路。  
卽爲國民多一生路。而個人交誼。猶其次也。知關  
垂念。先此奉聞。專復。祇請

大安。

某某謹啓

月

日

○答允介紹

某某先生閣下。正思

芝範。旋接

蘭緘。藉謫

道履冲和。式符下頌。辱承

委任介紹。洵爲交際上所必需。叨在

知音。當然効力。况令親某君。鴻才雅望。早爲此間政界

所心傾。某爲前驅。亦蒙光遠。惟某老處。擬先往接洽。屆

時。當可優待。其他均無慮。人地生疏也。專此奉復。敬請

台安。

某某謹啓

月

日

○詢上峯意旨

某某先生賜鑒。久違

大教。渴想良深。比維

近祉延綏。爲頌無量。茲啓者。頃聞上峯就職以來。對於屬

員。尙未表示如何之態度。究竟趨重舊派經驗。抑或注意新派才能。凡在外縣人員。均莫窺厥主旨之所在。因思

執事上游供職。時晤極峯。想已悉其崖略。伏希公餘惠示方鍼。俾得先時預備。以免歧趨。特愛瀆煩。容竢面謝。謹此布達。祇謹

台安惟祈

荃照不宣。

某某謹啓

月

日

○詢職務情形

某某仁兄惠啓。昨奉

手教辱荷

注存并承

推轂感激莫名就諗

景福光昭

勛華卓越。慰如所頌。某蟄伏困窮。故人書絕。乃蒙

不棄。薦任某署科員。暫紓艱窘。此誠不忘貧賤之交。爲靈

近不可多得者。惟某署係上級機關。一切情形。必須知

其大略。方免臨時棘手之虞。究竟該科職務繁簡如何。

某公之局量。是否寬博。務乞

示我概要。俾得備聞端緒。以收事半功倍之效。拜



賜更多。竚盼

德音。勿以瑣瀆見責是幸。肅此敬請

台安。惟祈

愛照。

某某謹啓

月 日

○請罷國老院之官制

大總統鈞鑒。頃閱報載國老院條例。仰見

大總統崇賢報功之意。至可感佩。然國老院之設置。根本上不敢贊同。因人設官。必有流弊。查歐美共和國有元老院。實與今之參議院相當。美國上院委員會。即可參與行政。我國已有兩院。無取架屋疊牀。日本之樞密院。

立於上院以外。專備諮詢。而元老又參贊國政。因襲以有重權。顧今日與內閣國會交相嫉視。而施政亦大受阻礙。此已可爲鑒戒。况民國國體。與彼懸殊。已有議會決定大綱。而責任內閣爲之執行。諮詢機關。本屬長物。流弊所至。則多一機關。卽多一衝突之原。異日或轉因意見紛歧。大政爲之受障。倘一有不幸。衝突之結果。有如日本反對元老之風潮。則釀成革命。亦不可知。益少損多。竊謂不可事猶及止。敢布胸臆。伏乞裁鑒。謹上。祇叩。

崇安。

某某叩上

月

日

○請裁顧問諮議以節國用

大總統鈞鑒。敬陳者。竊以西伯養老。擇要不過兩人。昭王招賢。糜費祇有一骨。今

公府之顧問諮議。數逾百人。使其人而果才也。似宜量其才之大小。畀以事權。俾各當其用而後止。卽云美不勝收。勢難徧及。然旣名爲才。隨地可圖自展。正不必以作官爲惟一之途。又豈肯賴乾修爲餬口之計。使其人而非才也。則當此國家費用極困之時。小民負擔極苦之日。豈容此輩坐食廩餼。在

大總統爲國家養士。原非得已。而受者於心。何忍爲圖一

己之肥。而益貽國家之瘠。應請

迅予裁撤。以爲國帑萬一之助。是否有當。伏乞

鈞裁。謹上敬請

崇安。

某某謹叩

月

日

○請裁道尹之主張

大總統國務院鈞鑒。竊以道尹一職。原爲監督各屬知事而設。唯就理論上。事實上。各方面觀察。道尹實無存在之必要。省制爲我國所獨有。各屬知事。隸屬省長之下。不能直接受中央之監督指揮。內外情形。已嫌隔閡。再以道尹橫梗其間。階級過多。轉使中央對於地方情形。倍

形遠隔。此應裁撤者一。各縣行政事務。由省長直接督辦。聲氣較爲靈通。手續尤爲簡便。若必分權於道尹。既不免命令歧出之弊。且徒滋文牘承轉之繁。爲知事者。日以應付長官爲能。勢必至庶政叢脞。再蹈前清覆轍。此應裁撤者二。國家因事設官。宜求實際。此項道尹。某詳加考查。除承轉少數文件暨辦理特別委任事務外。實屬無所事事。在國家不免虛糜薪金。在本官幾同投置閑散。此應裁撤者三。現值財政奇絀。應付之款。尙苦無從籌措。所有京內外閒職冗員。自應分別裁汰。藉資振刷。擬請將裁撤道尹一層。卽提出國務會議。議決施

行以仰副

大總統實事求是之至意。是否有當。伏乞

鈞裁。謹上。敬啟

崇安。

某某肅上

月

日

○請停稽勳局以省糜費

大總統鈞鑒。竊維民國成立。設局稽勳。崇德報功。意原非惡。無如辦理不善。流弊滋多。致令勳位勳章。不啻羊頭羊胃。與者既不以為重。受者即不以為榮。名器假人。遂搖國本。袁氏之敗。此一原因。故為國家名器計。不宜復設者一也。鞏固共和。乃國民之天職。操戈同室。何功業之

可言。以此爲功。居心已謬。若設專局。稽勳。是啓人以貪功之漸。此爲世道人心計。不宜復設者二也。諸凡興革。萬國具瞻。駢枝虛耗。旣貽笑於鄰邦。競賞爭功。或更招夫外侮。此就對外關係計。不宜復設者三也。以某愚見。此後一切酬庸卹死之典令。由各主管院部。分別辦理。不必更設專局。以節糜費而杜流弊。是否有當。謹候鈞裁。肅此上陳。恭叩

崇安。

某某謹叩

月

日

○請延聘國史館長

大總統鈞鑒。蓋聞尙書紀言。所以垂世。春秋紀事。實以經邦。

國史之官。由來尙矣。我中華民國之立。曾以首定其規。徒以亂事薦臻。遂令斯職荒廢。今幸重光寰宇。正宜克壯其猷。惟是政以人存。無人不舉。國史一職。擇人尤難。非其人。則有朝報之譏。得其人。斯有良史之譽。此丘明內外之載。史遷紀傳之書。所爲光前烈而昭百代也。今者曠觀海內。堪膺斯選者。孰有如某某先生者乎。某某先生。道德學問文章。爲當世冠。又以元功開國。衆望所歸。具多見多聞之資。養至大至剛之氣。如得居之柱下。必比美於老聃。豈特較彼齊廷。獨增輝於南史。某身雖武職。粗識體裁。爲國求賢。非榮上賞。願垂



清聽。一加察焉。肅此稟陳。敬叩

崇安。

某某謹稟

月 日

○請回復自治

國務院鈞鑒。敬啓者。各級自治。全國人民。日望恢復。文電交馳。已經數月。頃聞政府意旨。恐各級同時回復。非地方財力所及。擬訂新章。重行組織。某以爲各縣之城鎮市鄉。雖財力多形薄弱。倘以一縣財力。先辦一縣議會。當無困難。目下各縣議會。多擬自行招集。過加干涉。必灰人民望治之心。任其自然。亦非政治劃一之道。且現在省議會常會。議決案件。多與縣議會有關。若縣議會延

不成立。致議案多不能實行。故就目前以論自治。好在地方制度。係縣之一級。諒無變更。暫時適用舊章。亦無流弊。迭據省議會及各縣人民陳請。情詞迫切。未便壅不上聞。擬先將縣自治召集。暫照舊章辦理。一俟新章頒布。卽行遵照改組。似無窒礙。應請俯賜採納。復予施行。是所盼禱。此上敬頌

勛綏。

某某謹啓

月 日

○請檢舉選舉舞弊

司法總長鈞鑒。敬肅者。竊以議員爲人民之代表。職司立法。與行政司法並重。責任何等重要。邇來各省省議會已

着手改選參議員。比聞各報紙喧傳各省之希望當選者大都輩金運動。甚有一紙投票價需萬金者。參議院爲立法最高機關。參議員之身分。而可以賄取得。充類至盡。恐將來該議員立身議場。苟有可以取償金錢之處。雖犯賣國之大不韙。亦可爲之。故欲挽此頹風。非急籌防止之法不可。按刑律第八章所載之選舉罪。律有明條。苟使各省檢察所。依法實行檢舉。人雖至愚。誰敢因希冀當選。而躬犯罪刑。乃各省檢察所對於選舉運動之事。竟未聞有依法實行檢舉者。損司法之威信。長罪惡之階梯。曠職養奸。莫此爲甚。

總長居司法行政最高機關。當不願各省檢察廳放棄職權。務懇

迅飭各省檢察廳對於選舉犯罪。依法實行檢舉。以重選政而維法權。不勝屏營待命之至。謹上。祇敬

鈞安。

某某謹叩

月

日

○函述三部派遣觀戰員之作用

某某先生閣下。自違

光範。馳企爲勞。頃奉

手書。就諭

台候勝常。至爲欣慰。承

詢陸軍海軍參謀三部派遣觀戰員事。此舉極有關係。且爲我國第一次加入觀戰團之創見。蓋前茲日俄之役。及巴爾幹戰事。我國雖亦派員前往。旋卽均作罷論也。至於觀戰團之組織。係以各中立國之觀戰員。聯合爲一團。推一官職最崇。資格最老者爲領袖。與交戰國之司令接洽。其觀戰也。得隨交戰之軍隊。至戰地相近之處。但所至之地。必由交戰國司令指定。以戰情報告本國。必得交戰國司令認可。而觀戰之益。則在觀察戰况。知作戰之情形。爲戰術學之實地練習。故此番派往觀戰者。其最大目的。卽在明歐洲交戰國之軍隊上種種。

事實歸爲訓練之資料。而此行實非等閒可比耳。此復。

祇請

台安。

某某謹啓

月

日

○函駁縣知事不迴避本籍之問題

某某先生鈞鑒。敬復者。縣知事不迴避本籍之問題。竊謂必須打消。蓋知事爲親民之官。與地方息息相關。萬一不採迴避舊制。則其親戚故舊。動輒鉗制。必致事事不可爲。馴至回復從前之部落政治。且所謂不迴避本籍者。反言之則無民選之名。而有民選之實。將來必致縣縣獨立。省長既無操縱之力。復無黜陟之權。倘省長再由

民選。則中央高拱於上。必致一事不能爲。茲姑舍理論而言事實。當元二年時。各縣知事。固多本籍人。其政績如何。尙彰彰在人耳目。狙公賦芋。朝三暮四。衆狙尙不知所爲。况以蒞民而言治。可以已意爲從違。反覆無定耶。此刻法制局及國務院參議等所持之理由。亦頗與鄙見相同。至如外間片面之騰說。尙祈

力斥其非。是幸。專此肅復。敬頌

勛祉。

某某謹啓

月

日

○答復舉行登錄稅之意見

某某先生鈞鑒。昨奉

手教。蒙以登錄稅之辦法下

詢。蓋謂愚者千慮。必有一得也。查登錄稅爲行爲稅之一種。其主旨在確定人民權利。防禦他人侵害。用意良善。東西各國。早經施行。若日本則採用定額課稅。比例課稅兩法。若法國則兼採累進課稅之制。我國辦理登錄。係屬創舉。課稅手續。宜取簡易。鄙意以爲當視登錄事項之性質。於定額課稅比例課稅兩法內。酌量採用。分別規定。以免窒碍。餘如罰則從嚴。評價求公。稅款定爲正項。費用設有限制。廢止契稅註冊。以免重複。貼用特別印花。以杜情弊等。均爲推行登錄稅切要之圖。想



執事早應通盤籌算。而胸有成竹也。肅復敬頌。

台祺。

某某謹啓

月 日

○覆告官吏年終考成之現例

某某先生鈞鑒。敬復者。京內外官吏年終考成案。因今年中間國事變更。人員進退。稽考甚難。現在國務會議決議。組織一官吏考成審查會。其組織法之大致。一、該會專司審核全國簡任薦任官吏之成績。二、任事在一年以上者。得受該會之審核。三、審核後得依文官任用法辦理。四、各部總長。各省長官。特別區域長官。均有請求審核官吏成績之權。五、國務總理有取決之權。六、銓敘局

有審議之權。七、委任官之成績。由第四條之各該長官辦理。今

執事任事。業經年餘。當然列入審查。屆時取得上考。想應如操左券也。謹復。祇頌

助祉。

某某謹啓 月 日

○與政團言中央政府之權限

某某先生賜鑒。昨讀

惠書。論及府院權限之問題。洵爲近頃所亟應規定者。某聞事先而定其行動之範圍。謂之權限。事後而課其行動。合於權限與否。謂之責任。欲人負責任者。須先明其

權限。而權限之標準。又不外制定憲法。俾得共遵一定之範圍。設有踰越焉者。卽有法以督之。是故國有憲法。則政權無論小大。要皆有所限制。而責任之意義。卽由斯以生。雖所謂責任者。行政與立法之觀念不同。均莫外乎此一定之原則。目下府院間權限問題之爭。雖已消滅。然不解決於根本大法。而僅以敷衍爲消弭。則此類之爭執。安保其不再發生乎。某因來論而竊有感觸。故特率臆以言之。

執事偷亦笑其愚妄否。此復敬頌

台祉。

某某謹啓

月

日

○函陳剿撫巴匪之計劃

某公鈞鑒。敬肅者。巴匪盤據綏區。將近兩載。此擊彼竄。出沒無常。到處滋擾。前經各司令屢報肅清。至今仍爲鉅害。覆轍在前。可爲殷鑒。某此次出剿。若徒邀虛功。一鼓作氣。匪必遠颺。肅清一時。甚爲容易。然不能盡絕根株。究非治匪清源之道。倘僅給資遣散。匪等視快鎗如命。必預先運藏他處。臨時匿而不報。給資用盡。無計謀生。勢必仍操舊業。徒糜鉅款。粉飾一時。終難除地方之害。若酌編軍隊。結之以恩。鎮之以義。漸化獷悍。利用圖功。稍有不馴。則用軍法嚴懲。既就範圍。諒能操縱。况巴匪蒙

人。在。在。窺。伺。此。股。若。不。急。行。收。用。預。籌。用。毒。攻。毒。難。收。  
個。個。擊。破。之。功。尤。恐。受。爲。叢。敵。雀。之。弊。稍。一。不。慎。不。獨。  
貽。誤。邊。防。且。懼。牽。動。大。局。也。管。見。所。及。是。否。有。當。尙。祈。  
鈞。裁。示。遵。專。肅。祇。請。

助安。

某某謹啓

月

日

○與政友言司法獨立之精神

某某先生惠鑒。昨奉

手教。辱荷

注存。感愧交并。

執事對於司法問題。頗具樂觀。蓋以近頃之司法會議。全

神注於司法獨立。大總統亦以早日獨立祝司法。遂謂我國司法前途。從茲又有一線之希望。固亦理想所宜然。惟司法獨立。不僅在形式上之尊嚴。必須有以獨立其獨立之精神。前此司法獨立之所以推翻者。雖曰袁政府。然司法官之舞弊枉法。實有以見輕於國民。而遺政府以口實。今各省控告法官之案紛起。威信掃地已盡。吾甚願言司法獨立者。必先返而求其本也。質之高見。以爲然否。此復。祇頌。

台祉。

某某謹啓

月

日

○與政友言政治家之度量

某某先生鈞鑒。接奉某日

大教。知某君又將辭職。某竊以爲不可。蓋凡爲政治家。必有一種寬容忍耐之度量。所謂寬容忍耐者。非美惡雜進。是非不明之謂。以一身處政局之中。四面之所接觸。安能事事盡如我意。故惟此平日所抱之主義。不容稍有遷就外。其餘名譽權利。及一切形式上之禮文。皆可委曲以犧牲之。不但涵煦萬物。而歆然無一物。且能代受人過。而歉然若己過。此乃所謂寬容忍耐之度量也。苟無此度量者。則一遇不如意事。必生煩惱心。憤懣心。不平心。對於所事將灰心。對於一己萌退志。今日屢聞

所謂辭職者。卽無此度量之故。在尋常之政治家。且不可。况担任全國之政治者乎。尙祈

執事勸慰某君而力挽之。是禱。肅此敬頌。

勛祺。

某某謹啓

月

日

○覆論蔡松坡可爲政界之模範人

某某先生賜鑒。頃誦來

書。推崇松坡。至矣盡矣。某嘗謂宇宙內至危極鉅之事業。能擔當而又能擺脫。實爲人所難能。蓋見理有絲毫未明。愛國心有絲毫未至。卽不能擔當。權利有絲毫未忘。貪戀心有絲毫未除。卽不能擺脫。乃人尙遲徊瞻顧。而



松坡已先千萬人而起。可謂擔當人之所不能擔當。人方紛爭攘奪。而松坡已先千萬人而退。可謂擺脫人之所不能擺脫。據斯以言。其人已冠絕古今。推爲政界之模範人。充足無愧。雖然。松坡之能至此。非偶然也。以彼精金美玉之人品。定從烈火中燬來。掀天揭地之事功。必向薄冰上經過。我人於此。可以知所法矣。此復祇頌鈞祉。

某某謹啓

月 日

○某省長致書勸告國會議員

國會議員諸君鈞鑒。頃聞

貴會於省制表決一案。種種擾亂情形。不勝驚詫。溯自民

國成立以來。飄搖風雨。五年於茲。國事之迭次紛更。人民之慘受痛苦。曷非憲法未定。爲厲之階。本年國會招集。方期

議員諸君。清白乃心。銷鎔意見。速定最良善之憲法。以固國基而救危亡。迺開會以來。荏苒蹉跎。已難饜國民之望。不意今竟紛擾兇鬪。越出常軌之外。疾首痛心。孰過於此。夫省長應否民選。省制應否加入。係屬另一問題。姑置勿論。第

議員諸君。日日言法制。而乃違法若此。循是以往。國本何以立。人民何所託。外侮之來。相逼益甚。有終歸淪胥已

耳。所冀毅然悔悟。共策進行。化個人意見之私。謀國家  
和平之福。速將憲法議決公布。往雖不諫。來猶可追。否  
則黨見堅持。讐誕日甚。吾恐邦人君子。必有議  
諸君之後者矣。敢掬血誠。用進忠告。尙希  
亮鑒。是幸。此布。祇頌

公祺。

某某謹啓

月 日

○函告措施政治之方針

某某先生鈞鑒。辱承

惠教。

垂詢行政之現狀。庸陋如某。實無政見之可言。惟既忝膺

重寄。所必須與此間官紳軍民。揚摧而共勉之者。一曰治軍。二曰安民。三曰理財。四曰用人。凡此四端。皆目前至重之急務。亦庶政最要之前提。先挈綱領。以爲方針。他如提倡實業。振興教育。開墾邊荒。建築鐵路諸要政。亦須次第舉辦。以期民困早抒。百廢俱舉。某勉竭駑鈍。爲國馳驅。惟有開誠布公。集思廣益。綜覈名實。信賞必罰。或可圖報國家於萬一。決不敢稍存五日京兆之心。以自貽隕越之羞也。此後

執事倘有高見。尙希

隨時賜示。以俾遵循是幸。肅此敬候

台綏。

某某謹啓

月 日

○答言官中難廢之理由

某某先生鈞鑒。頃誦

惠書。主張廢止官中。大旨與省會之提議相同。惟查官中一項。除應得中費外。不得額外需索分文。章程內均已明白規定。矧官中經紀買賣。不過於人民說合成交時。向官中請領官契紙。邀其到場書契蓋戳。登入循環等簿。送交縣署。以憑催稅。事先並無干涉之權。卽無藉端敲詐。遇事生風。挑剔留難之地步。民間習於隱匿。從前買典產業。均以私紙立契。官廳無從考查。以致匿契少

稅之弊。幾成通病。自官中推行以來。據各縣報告。稅收均較前爲增多。今若取銷。不但已經承充之戶。無法處理。且當此國庫支絀之時。亦將因停止官中而受短少。稅收之影響。此中種種困難情形。尙祈鑒察而原諒之。是幸。謹此奉復。祇頌

台祉。

某某謹啓

月

日

